

AJE ARO GILJE (DAKMESOKANI)



AJE ARO GILJE ABISANI RORAM BIAP

JULIUS L. R. MARAK, PH. D.

1992.



A J E A R O G I L J E

(DAKMESOKANI)

Published by Julius L. R. Marak
Village Rongjeng-Chigisin
P. O. Rongjeng
East Garo Hills

ON-KANGANI

1000 Copies
DAK-SA, GNI ARO GITTAM,

La kitapko angni ka sabegipa
abitang PREBISH RANGSA MARAK - an -
Dam - KOLGRIKBONGA
March 7, 1992 biliso watangaha. Ua ia
kitapni bimangko nikna kusni ngoboa
manangaha.
Bilisi 1984 skanggipa chapa ka atigipa
chu sokkujani gimni chu gimikko setais
chapa ka atigipa, 1992.

Julius L. R. Marak, Ph. D.

COPY RIGHT RESERVED BY THE PUBLISHER

Printed at Singhanis Printing Press
Thana Road, Shillong - 1

ALLE GARO ALE

Published by: Dr. Julius L. R. Marak
Village Rongjeng-Chigisin
P. O. Rongjeng,
East Garo Hills.

1000 Copies

MATTIO GARO GITTAM

Dam—KOLGRIKBONGA

Bilsi 1984, skanggipa chapa ka'atgipa
chu'sokkujani gimin chu'gimikko setaie
chapa ka'ataigipa, 1992.

Julius L. R. Marak, Pr. D.

COPY RIGHT RESERVED BY THE PUBLISHER

Printed at Singhania Printing Press
Thana Road, Shillong - 1

NING-O SEGIMIN

KATTA BICHONGRANGJAK.

1. GNIGIPA CHAPPA KA-TAIGIPANA
AGAN MESOKE ONANII&II

2. JANAPANIIII

ON-KANGANI

3. KATTA BICHONG to FIBIASI to 20
(Aje sro Gaje)

Ia kitapko angni ka:sabegipa
abitang PREBISH RANGSA MARAK - na
on:kanga jean ia a:gilsakko Sonibar
March 7, 1992 bilsio watangaha. Ua ia21
kitapni bimangko nikna kusi ong'beoba
man'angjaha.

DAKMESOKANI — I — Author.22 to 34

DAKMESOKANI — II35 to 80

DAKMESOKANI — III81 to 85

Published by: Dr. Julius L. R. Marck
Village Rongga-Chepa
P. O. Rongga
East Java 1952

ON-KANGANI

1000 Copies

Is kitapko angni ka-sabedipa
abitan PREBISH RANGSA MARAK - na
on kangas jean is a-gilakko SONOR
March 7, 1952 bisio watanaha. Us is
kitapni bimangko nikna kusi ong-beba
man-angjaha.

Author -
chapa ka-ataigipa, 1952

COPY RIGHT RESERVED BY THE PUBLISHER

Printed at Singhanis Printing Press
Thana Road, Singhanis - 1

GNIGIPA CHAPA KA-ATTAIGIPANA AGANDAPANI

NING-O SEGIMIN

KATTA BICHONGRANGJAK.

1. GNIGIPA CHAPPA KA-TAIGIPANA
AGAN MESOKE ON·ANIi & ii

2. JANAPANIiii

3. KATTA BICHONG ba ITIHAS1 to 20
(Aje aro Gilje)

4. DAKMESOKANIO BAK RA·GIPA
MANDERANGI BIMINGRANG21

DAKMESOKANI — I22 to 34

DAKMESOKANI — II35 to 80

DAKMESOKANI — III81 to 85

Date: The 4th December, 1992. Miss (Dr) Art and Culture Directorate, Shillong.

NING-O SEGIMIN

KATTA BICHONGRANGJAK

1. GNIGIPA CHAPA KA-TAIGIPANA
AGAN MESOKE ON-ANIi&ii

2. JANAPANIiii

ON RANONANI

3. KATTA BICHONG ba ITIHAS
(Aje ero Gije)1 to 30

4. DAKMESOKANI BAK RA-GIPA
MANDERANGI BISINGRANG21

DAKMESOKANI — I22 to 34

DAKMESOKANI — II35 to 80

DAKMESOKANI — III81 to 82

GNIGIPA CHAPA KA-ATTAIGIPANA AGANDAPANI

Aje aro Giljeni gimin Dr. Julius Marak, bilsa 1984 see ehapa ka-ataigipa chu-sokgipa seani ong-jani gimin, chu-gimik setaigipa ki-tap ong-a. Uni ia setaiana, Aje aro Giljeni gimin chu-gimik ma-sina sigkiparangna mikgrontangchi nikachacha talate on-ani ong-a.

Dr. Julius Marak ia ki-tapko chu-gimik setaina gita skang an-tangan A-chik a-songni pilak biap bichamrangko re-roro dororo sandie nichengesa gisik a-ning bite chanchie tikelle seaha. Uni skangipa seanina chu-gimik setaianiara, A-chik a-songo mingsinggipa biaprangni giminba photorangko on-e talatdapaniko on-aha. Ia ki-tapko poraisoenggipa pillak A-chik ripengrangan, ua biaprangko an-tangtang re-e doe nikjaoba, mikjumango nika gita ma-siatna man-na.

Aje aro Gilje ki-tapko poraimangmangaiasan ong-aigija, u-ie ra-anianaba jakkalani ong-chongmota. A-chik a-songo iandakgipa ong-chongmotgipa biaprang goloporang gita agan-ritingbaenggipa biap bichamrang jatni gisepo bang-a. Uandakgipa biaprangni gimin see donanganiara, ja-mano chadambelangna ma-siate donanganiba ong-a. A-chik a-songni, uandakgipa chengo mengoni mingsing minggamgipa biap bichamrangko jean gimaangengaha, Dr. Marak chasongna rippingangna man-a. gita photorangko ka-e, gisik a-ning bite chanchie knalo A-chik jatna see donangenga.

Aje, Gilje abisa, Radingga aro Sadingga adasa, A-chik a-songko wenroro re-roromiting sal somoirango, A-chik a-songni pilak bakrangkon agan talate aro ma-siate on-angaha, jeni gimin an-chingba ma-sirikna cholko man-aha. A-chik a-song, chengo mengonin A-chik ma-gitcham pagitchamrangni aganritingbaani gitan Mitde-manderangni songdong a-charam a-song chiga ong-a jekon an-ching ia chasongo chong-mot ong-genchimoba golpo ine chanchia.

Dr. Julius Marak, A-chik sea jotanirangna gisik nangbegipa on-e iandakgipa seanirangko pil-e nakatataienga, ian an-ching A-chik sakantina jatni ku-siktangko rippingna aro silroro churoroanina ki-tap sena gisik nangatani aro didiatani ong-china.

Dated Shillong.
The 4th December, 1992.

Miss (Dr) Kumie R. Marak,
Art and Culture Directorate,
Shillong.

AGANSOCHENGANI

"Aje aro Gilje" Dr. Julius L. R. Marak-ni chappa ka-at-chenggipa ong-ja. Iana skangba ua gipin sea-jotahirangko dakaha aro kingsako chappaba ka-ataha. Aje are Gilje abisani ni golpo an-ching A-chikrangna agital ong-ja.

Indiba da-alona kingking uko ki-tapni bimango aroba agangrikani bimango nakatata dongkuja. Dr. Julius Marak da'o ia golpokko agangrikani bimango nakatatenga.

Aje aro Giljeni kattara golpomangmansanma ba battang-gimin somoio ong-anggimin chong-mot obostama bilsue aganna neng-a. Aroba, Aje Gilje abisara mandemanchama ba an-chingni aganbarongenggipa kanarongbaenggipa mite tongsa mande tong-sa dakgipasama tik u-ibreja. Aganritingbaani gitade ian obosta chong-mot aro Aje Gilje ara Mite-mande bringipaan. Haida iani bidingo sandidape am-rikkite nianiko nangengkuakon Dr. Marak antangan songrangchi re-e. me-apa buchumarang-ming golpoming melie sakkina gita donggipa biaprangko aro bosturangko mikkrontangchi nike nie uie ra-na tikkelaha.

Simasake poraiode, poraigipa Radingga, Sadingga adasani Aje, Gilje abisani ja-manrikrik re-e bisongni a-song talatangako knarikipaman-a, chiga nikangpara. Umangni kattachin poraigipaba A-chik a-songko gisiko wenpaman-a aro maia biap miadake ong-baha, biming de-baha pilakkon talparikna man-a. A-chikrangni giticham janggi tangani bidingrang, cha-a ringani, bewalrang aro ku-aganani rokomrangko see rakkiani gitaba ia kitap ong-paa.

Dr. Julius L. R. Marak A-chikni sea jotahirangna gisik nange uko kamo nakatatenga. Ian an-ching pilaknan jattangni bidingo uidapaniko on-aiasan ong-gija sakantinan ku-tangna gisik nanganio aro uko ripingna tikelanio didiatani on-gchina.

Dated Shillong,
The 25.5.1984.

Brucellish K. Sangma,

Educational Technology Cell,

State Council of Educational Research and

Training Department of Education

Shillong.

GNIGIPA CHAPA KA·GIPANA AGAN MESOKE ON·ANI.

A·chik ma·gitcham Pagitchamrangni, chengo atchu ambini katta ku·rittingrangoniko knarittingbaanirangko aro ua katta·rangni chong·mot ong·a ong·ja sandie nina nangaon ga·akaha. Angni skanggipa Aje aro Gilje (Dakmesokani) 1984 skanggipa chappa ka·atani chu·gimik ong·jani gimin man·a dipet sandriri·kote nitaie aro ua agangipa biap bichamrangko re·roroe doro roe nie setaiani ong·a

Iano, jekon anga skanggipa seanio a·song chiga wenroroe nie sandie sena manjaha. Ua biaprangko da·o anga an·tang mikrontangchi nie nike, an·tangni chanchia gita see chapa ka·attaienga. Unbaksana, angni skanggipa chappa ka·atgipana adita namdapatani rangko on·atgipa Rongjeng Chijong songni Sengran Sangmako dingtangmancha mitelna ska.

Angni ia gnigipa chappa ka·taigipana dakchakanirangko on·gipa pilak ripengrangkon mitela. Jemangni bimingrangkon sena gita iano chol ong·jaha.

Mikkangchiba apsan ripengrangni jaksrambee dakchakaniko aro namdapatani cholrangko man·angkuna ka·dongsoani donga, jerangkon changgipino on·dapskana man·gen.

Julius L. R. Marak,

AGANSOCHENGANI

"Aje are Gilje" Dr. Julius L. R. Marak-ni chappa...
...ngang...
...Aje...
...A-chikrangng agital onging...

ENIGIPA CHAPA KA-GIPANA AGANA MESOKA ONANI

A-chik ma-gicham Pagichamantani, chengo atchu ambini
kattam kurtittirangoniko knattirangbanirangko are us katta-
rangni chong-mof ong-a sindie nira rangon ga-akaha.
Angni skangipa Aje are Gilje (Dakmesokani) 1984 skangipa
chappa ka-stani chu-girik ong-jani gimni man-a dipet sandri-
kote mirate are us anggipa biap bichamangko terore doro
toe nie selaini ong-a

Iano Jekon anga skangipa seania a-song chiga wentore
nie sandie seia maniana. Ua biaprangko da-o anga anfang
mikrontangon nie niko, antanani chanchis gita see chapa
ka-attangga. Udhaksana angni skangipa chappa ka-attipana
adita namidapatirangko on-attipa Rongjeng Chijong songni
Sengani Sangmak dimgtangmancha miteana ska.

Angni ia enigipa chappa ka-attipana dakchakanangko
on-gipa biak ripentrangkon miche Jemangni himangrangkon
seia gita iano chol ong-jaba.

Mikkanchida apsan ripentrangni jakarimbe dakchakaniko
are namdapatani cholrangko man angkuna ka-dongsoani
donga jrangkon changipino on-dapakana man sen

anghig-on matidib...
...on-otipadip...
...oku oingnan

Shillong
The 25.5.1984
Julius L. R. Marak

Bruce K. Sangma
Educational Technology Cell,
State Council of Educational Research and
Training Department of Education
Shillong.



PHOTO - 17-4-1990

AJE ARO GILJE ABISANI CHIKORAMA (MEMILAM)

Aje aro Gilje abisa an·tangtangni chikongtangtangona pangnan au aro miksuna re·barongachim. Uamangni chikoramako photoni jakasichipak nikna man·a. Photoni niggipa jakrachini nogipa Giljeni aro Jakasichini abitang Ajeni ong·a. Ua chikong Memilam a·brio donga. Aje aro Gilje abisani re·ani chikoramako salni salna mande re·ani gita chasongni chasongna rong·patalni kosako talkame dongaha.

Abitang Ajeni chikongo (Jakasichipak) mi chaanirangkoba nikna man·a je mian chakario chae, minkario mine ga·ake bil·sirikitna aro chasongni chasongna chajringaha. Ua miara mi mandean ong·a. Ua, mi mandeni chaani maidake ong·achim uko darangba agana man·ja, Ia biapko darangba chasongni chasongna a·ba cha·ja.

Ua mi chagipani gimin agangenchim ong·ode, haida ua miara sepang jolni a·brirango a·ba cha·giparantoniko ta·rakbe·gipa balwarang bale man·pakbae ia chikongo skatrike charik·gipa ong·na nanga.

KATTA BICHONG (ITIHAS)

AJE ARO GILJE

Aje aro Gilje abisa. a-song Sillang a-brio, Chiga Wa-te a-dingo, Sillang bibal balramo, Rong-ma Me-kin ong-ramo (Napak Me-mang a-song) atchiaha ine aganani ghang. Indiba, mittam A-chik me-aparangni aganano, uamangni atchiram a-songko, A-song Do-nare Wakchelchik, Meminram Mesaram, Manggaru A-chik Simsang Bisik, Do-ma gittok, Re-ru gittango songdong a-chara aro ua biapon atchia ine agananiba ghang.

Aje aro Giljeni ma-gipako Grimchi Bachare aro Pagipako Benaru Silgitdu ba Silgitchu minga. Aje aro Gilje ba-rima sakgittam donga jemangoni saksade Demeranche ong-a. Ma-gipa Grimchi Bachareo ba-rimarang sakgittam dongachim. Uamanga Gruracha-Changsin, Nokma, Radingga aro Sadingga ong-achim, Radingga aro Sadingga adasani ma-gipako Silikki-Notoki ba Dodokki aro Pagipako Derimil Changrimil minga-chim. Radingga aro Sadingga adasani chonengmittingon, uamangni ma-gipa aro pagipa siangaha. Ma-gipa, Pagipani siang-man-ni ja-mano, Radingga aro Sadingga adasako abitang gumetang, Grimchi Bachare are Benaru Silgitdu aldurikaha.

Radingga aro Sadingga adasa, gumetang abitangmangni noko dongmittingo an-tangtangna Nokpante jamsirenge roachim. Uamang adasa, ia a-song chigao songdong a-chamittingon an-tangtangna Salaramchi nokgilsrek on-e, Salriramchi nokrangre done rike roaha. Ua Nokpanteo romittingon uamang adasa an-tangtangni Nokpante-Jamsirengo Gongbinako doke, Imbanggiko sike rona, "Misini A-gilpani Sotgalako sol-aha, Saljongni-Galapani singalako repaha". Misi-Saljong, Radingga aro Sadingga adasana, Sonani Gongbinako patiaha.

Salsao, Radingga aro Sadingga adasa, chiring ang-ke jik-pana ine an-tangtangni Gongbina Sonako kodam mitapo dape donuange re-angaha. Uamang adasani chiring ang-ke jikna re-angmittingon, nogipa namchiktang sakni, Aje aro Gilje, m matangrangni Gongbina Sonako, Nokpante-jamsirengchi gadoange mamatangrangni kodam mitapranoniko bilrurue am-e nike, Gongbina Sonako ra-soaha.

Attam salniahaon, Radingga aro Sadingga adasa, chiring ang-ke jikaoni sokbaha. Sokbaon, uamang an-tangtangni biap aro kodamrang bildingbildang dakako nike, donnuanggipa

Gongbina Sonako sandiaha. Je gita sandie nioba, donanggipa Gongbina Sonako man·jaha, Am·e nio man·jaani gimin, jedakeba namchiktang sakgni, Aje aro Gilje ong·na nanga ine uamang abisao sing·aha, Sing·on, uamang abisa jechakaha. Uamangni je gita jechakoba, abitang Demeranche, uamangni Nokpante-Jamsirengchi gadoangako nikrikani gimin sakiko ona·ha. Aje aro Gilje abisa, je gita mol·mole bi·oba, ra·gimin Gongbina Sonako on·piljaha. Radingga aro Sadingga, uamangni Gongbina Sonako je gita bi·pile nioba on·jaani gimin gisik duk ong·ani aro kratcha·anirang gapaha.

Uandake, Radingga aro Sadingga an·tangtangni gisepo gisik duk ong·an gape aro jongska-adatangrangna mikgil kratcha·e, ma·an a·songko wate aro songko noko gale gipin a·song chigana jawan ma·an a·songna re·chakatna miksongaha. Abitang aro gumetang je gita ong·oba nogipa namchiktangrangko doke sateba, mikgil kratcha·na nangoba ma·an a·song chigako wate re·angjachina mol·molaha. Indiba, uamang adasan gisiko, songsul mitakako man·a, mikgil kratchaako man·a sikjae, ma·an a·song chigako wate, Paani bibol biteko done, gipin ma·an a·song chigachi brangangaha.

Radingga aro Sadingga adasani brangangako nikrike, namchiktang sakgni, Aje aro Gilje abisa, mamatangrangko ja·man ja·man ja·kurik ja·ma sane re·angpana chanchiaha. Uamang abisaba, je gita ma·a Paa beng·oba, manigija srik nokoni ong·kate katangaha. Aje aro Gilje abisa, mamatangrangko an·tangtangni donugipa Gongbina Sonako doke, Imbanggiko sike ja·man ja·man ja·kurik ja·ku sanangaha.

2. A·SONG CHIGA

Aje aro Gilje abisani songdong a·chaani, chiga chiringani gimin darangba namedake kakket aro kraa sakiko on·e agan mesoke on·a man·ja. Gildin Sangma, Kasimari songni, Aje aro Giljemangni atchiram a·songko 'Bekgittok Garengmal' (Damrang Borjuli samba) A·brio atchia ine agana. Sengran Sangma, Rongjeng songni, uamangni atchiram a·songko, 'Te·awek Singkanda Menggonchi Jamgonda, Do·nare Wakchelchik Meminram Mesaram Manggaru A·chik Simsang Bisik Do·ma Gittok Re·rugittang' ine aganskara. Ia biap Napak Me·mang a·song jolo donga ine sakiko on·taiskara. Bitchon K. Momin, Konchikol songni, Aje aro Gilje-mangni atchiram a·songko,'

Budalong-Benagong Te-brong Changsim' ine agan mesoke on-atskara. Kiljang Areng, Kalwe songni, Aje aro Gilje abisani atchiram a-songko, A-song Silang a-brio, Chiga Wa-te a-dingo, Sillang bibal balramo Rong-ma Me-kin ong-ramo (Napak Me-mang a-song ine sakiko on'e aganskara. Ia biapni gimin, jekon angni skanggipa Aje aro Giljeni gimin chapa (1984-0 skanggipa segipa) ka ahachim, una Meklijin R. Marak, Badaka songni, "Aje aro Giljemangko ua biapo mikkang nikja indiba ua biapara Aje aro Gilje-mangni gnigipa katbae dongegipasa onga" ine 21.8.89 tariko chitti see jee u-iataha. Uandake, Meklijin R. Marak, ongja ine jee u-iatgenchim ong-oba, Aje aro Gilje abisa, uamangni ma-gipa aro Pagipa-rang bano donga aro atchiachim ua biap bichamrangni giminde agan mesoke on-atskanade man-jaha.


Mihir Sangma, uni ki-tap "Pagitchamni Ku-bisrang (1982)" segipa ki-tapo Aje aro Giljeni ma-ambi Balpakram a-doko Gabil-Songgitcham Do-de Mesaram" biapo songdonga. Ia biaponisa, Aje aro Gilje an-tantangni gisik ruraatangko cholon peng-pangatanko champengna man-jae katbrangaha ine uni jana-panikoba nikna man-a. Indiba, A-chik me-aparangni agan ku-ritingranoniko knatimrike niode, Aje aro Gilje abisa, Radingga aro Sadingga adasa, Balpakram a-dokoni re-chakatja, Gabil Songgitcham Do-de Mesaram biap, 'A-song Nongrengreng-Chiga Nongchibing'-oba gnan (Mangsang a-dok). Iana agreba, apsan dake biming minggiparang gipin a-dokrangoba gnan. Aje aro Gilje abisani re-a doa-rangni gimin namedake sandie niode, uamang A-chik a-songni Saliran jolchi bange wenangja sokangja.

Uni gimin, Aje aro Gilje abisa, Radingga aro Sadingga adasa, a-song songdongchenggipa chiga chiringchenggipa biaprangni gimin kraa aro chuonga sakirangko man-jaode chanchichipe agananirangsan ongaia.

3. RONGCHANG

Aje aro Gilje, Radingga aro Sadingga - mangni kam aro a-selrangni gimin chanchiate niode, skang ro-ongni chasongni manderangsa ong-na nanga. Uamangni chasongrango rakgipa ro-ongrangko atte gitchi tarie jakkalmitting chasong onga jemamngi chasongkon, "Ro-ongni Chasong" (Neolithic age) ine agana, Ua ro-ongni chasongrangni gimin aganode haida bilsi

12,000 B. C. oni 500 B. C. ong-na kraa. Indiani mittam skia man-giparang ua ro'ongni chasongrangko bilsa 20,000 B. C. oni 15,000 B. C. ine aganskara. Indiba, bang-bata ro'ongni chasongo jakkalgipa bosturang jekon A-chikrang Goera Gitchi ba Rua minga, uamangni re-roro katroro dakmitting chasong (Lower Palaeolithic culture) ba somoirango jakkalgipa bosturang onga. Ua ro'ongni chasongni bilsirangkon Gauhati University-ni Prof. Sharma, bislsa 50,000 B. C. oni 20,000 B. C. ong'a ine sakiko on-skara, Uandake bang'a skia man-giparangnan ua ro'ongni chasongko tik ong'e agana chu'onga saki-rang donggijanio agana man-ja.



GOERA RUA (Neolithic Tools)

■ RUA-C. 50,000 to 20,000

Ua ro'onrangko A-chik a-songni bang'a biaprangon man-ajekai, Rongjeng, Selbalgre, Rengsanggre, Tura ba iandakgiparang. Ua ro'ongni bosturangko chengo atchu ambini silko jakkalna changkujamitting somoirango jakkalaha, jekon, ro'ongni chasong' ine agana. Goera gitchi ba Rua (Neolithic Tools) A-chik a-songoniko bang-en man'a ama. Indiba, uarangni gimin namedake sandie darangba see rakia dongkuja. A-chik sam jakkalgiparang (Ojarang) ua Goera gitchi ba Ruarangko samna ineba jakkala.

A·chik me·aparang, skia poraia man·gijanio aro sea jotani-rang donggijanio, uandakgipa ro·ongni chasongrangni gimin aganode, "Mitde-Mandeni chasong" ba "Mitde paksa mande paksa, gana an·sre gri ong·mitting chasong, inesan aganrongaia. Aje aro Giljemangni chasong, skang ro·ongni chasong ong·na nanga maina uamangni pilak kam, daka rikanirang aro jakkal-gipa bosturang pilakan da·o ia chasongni ong·ja, skang ro·ongni chasongnisa ine u·irikskana man·a.

Aje aro Giljemangni chasongni chong·mot bilsirangko tik dake u·i ma·sinade, da·o ia chasongo gisik a·ning bite chanchina aro uarangko nie ma·siani cholrangko jakkalanichisa, uamangni dongangani chin ro·ongni kosako ja·kol (Fossil) ba gipin ro·ongni chinrangko nie ma·sina man·gen.

4. MA·CHONG ARO CHATCHI

Aje aro Gilje abisa, Radingga aro Sadingga adasani ma·chong aro chatchi-ni gimin manderangni chanchichipe aganani-ranga dingtang dingtang gngang.

Roston Marak, Mariampur songni, Aje aro Gilje abisako Imphil ma·chong, Sangma chatchi ine agana. Bitchon Momin, Konchikol songni, an·tangna Jorong Sangma sagini aganani kattarangko aganskae, Aje aro Gilje abisa' Radingga aro Sadingga adasa GABIL ma·chong, Momin chatchi ine agantaiskara Pil·e Meklijin Marak, Badaka songni, Aje aro Gilje abisako, Nongsimseng ba Nosingjeng (Nong·bak) ma·chong, Sangma, chatchi ine 25.8.89 tariko, Kalwe songni Kiljang N.Ssangmani Kattako parake aganaha.

Indiba, D. S. Rongmuthu, uni segipa, "Apasong Agana (1970)" ki·tapo Aje aro Giljemangni, segipa Radingga aro Sadngga, Gabil ma·chongni Ambi·atchu, Momin chatchi ine sakiko on·aha, Mihir Sangma, "Pagitchamni ku·bisring (1982)"-ki·tapo, Aje aro Gilje abisa, Radingga aro Sadingga adasa, Gabil ma·chongni ine sakiko on·dapaha.

Uni gimin, bang·batan Aje aro Gilje abisa, Radingga aro Sadingga adasa, uamangai ma·chong aro chatchini giminde, GABIL ma·chong aro Momin chatchi ine sakiko on·ani gimin, ma·chong GABIL aro chatchi Momin ong·ani giminde mamingba jajaani dongja gita nika, Gabil ma·chong ong·oba, uamangni gisepe maiba kamni ba biap bichamrangni kri rokomari dake

de·retaigiparang bang·a. Aje aro Gilje abisa, de·retaigipa Gabil ong·engenchim ba Gabil chong·mot ong·engenchimma, uarangni giminsa namedake sandiangkuna mikkangchi man·ode namgen.

5. NOKONI KATA

Radingga aro Sadingga adasa, abitang aro gumetangni nokoni ong·kate kattangjanaba dongachim. Indiba, jensalo uamangni namchiktangrang, Aje aro Gilje abisa, Radingga aro Sadingga adasani chiring ang·ke jikna re·angmitting somoio uamangni turamoni kodam mitaponiko Gongbina Sonako cha·ue ra·soaha aro uko ja·mano bi·pila·o on·piljaha.

Radingga aro Sadingga adasa, uamangni Gongbina Sonako bi·pila·o onjahaon, songni nokni manderangni agana·mitaka aro matnangako man·a kene, ma·gipa aro pagipani a·song chig·ako wate gipin ma·an a·song chigachina brangangna chanchiaha. Radingga aro Sadingga adasa, songo noko chakchike dongangu·genchim ong·oba, jongska adatangna, mama·adana, ma·a nona mikgil sie kratcha·e dongna nangaignok ine ma·siaha, Uni gimin uamang adasa, songo noko donge manderangni agan·mitakako man·an palde aro jongska adatanggrangna mikgil krat·cha·ako man·e dongna sijkaha. Radingga aro Sadingga adasa, mamingkoba ra·anggija, an·tangtangni Mil·am jakkalgipako krokoniko sal·oke (Mil·am ong·oba ro·ongniko tarigipa Mil·am ong·na nanga maina uamangni chasongo silko man·kuja) nokoni srik ong·kate re·ongkatangtokaha.

Aje aro Gilje abisaba, uamangni mamatangrangko nokoni ong·katangaha ine ma·sion, mamatang adatangrangna ka·pake aro uamangna ka·sae ja·man ja·man ja·kurik ja·ku sanangna chanchiaha. Aje aro Gilje atisa jensalo uandake ja·kurik ja·ku sanangon, mamatang adatangko, changsa kema ka·e nokona an·pilbataiku·china ine an·tangtangni donugipa Gongbina Sonako ra·ongkate doke, Imbanggiko sike rikangaha, jedakode, Radingga aro Sadingga, an·tangtangni Gongbina Sonani ku·rangko kanasoode uko ra·pilna an·pilbataigen.

Indiba, Radingga aro Sadingga, an·tangtangni Gongbina Sonani ku·rangko knasooba, an·pilbataigija bate batesa nogipa namchiktangrangni rikbaengako ma·sie srapna kene katroroan·gaha, Aje aro Gilje abisaba, dondikgija aro ma·an a·songchina an·pilbataigija banobade srapgen ine chanchie Gongbinako doke, Imbanggiko sike rikroroangaha. Uandake, Radingga aro Sadingga

ggamangni katroroangana rikroroangon, Aje aro Gilje abisaba jawan a-song chigako wenrooangna nangaha aro sokangaha.

Aje aro Gilje abisa, Radingga aro Sadingga adasako an-tangtangni ra-bitgipa Gongbina Sonako doke, Imbanggiko sike a-songanti chigaanti wenrooange A-chik a-songni Salaram jolo ja-nengtakanggipa biap bichamrangko an-ching mikgrontangchi nikna manjaoba chanchiate nina.



PHOTO : 17-4-90

AJE ARO GILJE ABISANI NIWATRAM (MEMILAM)

Aje aro Gilje abisa, an-tangtangni mamatang Radingga aro Sadingga adasako rikroromiting somoio, rong-patalni kosako asonge ja-ma moe Gongbinako doke, Imbanggiko sike niwat-rongachim.

Radingga aro Sadingga adasa, Idek chinalsa-o jean da-o Khasia a-ja ong-aha, uno dongskarachim, Radingga aro Sadingga adasa ia biaponin A-chik a-songchipak an-pile Koasichi mik-ange an-pilbaaha.



PHOTO : 27-4-90

AJE ARO GILJENI GONGBINA DOKRAM (KONCHIKKOL)

Aje aro Gilje abisa, ia ro·ongni kosako, asonge pangnan gongbinako dokrongaha. Aje aro Gilje abisa, mamatang Radingga aro Sadinggako ia biapo srapejaha.

Ro·ongni kosako uamang abisani asonge salni salna niwate gongbina dokani ro·ongo ki·sangteni chinrang dongengkua. Uamangni asongchakni ki·sang peknini chin dake tu·konggipao bolbijak done photo ra·aha.

Ia chinrangko namedake nigenchim ongode, haida skang ro·ongni chasongo saobade asongna nangakon, Asongja ongode, ro·ongni kosako ki·sang peknini chin (Fossil) dongrikjawa. Abisan, abitang kosako aro nogipa ka·mao asonge ja·ma moe gongbina dokronga aro rorongachim ine agana. Ka·sine Ka·sine ja·a asongani chinrang aro ja·ani chinrang bilsu re·angani kri gimaangengaha,



PHOTO : 27-4 90

6. A·SONG CHIGA

Radingga aro Sadingga nogipa namchiktangrangni rikbaako nio niksoojana rong·gate nisoaha, Rong·gate nisoan, uamang abisani rikbaengako niksoon, srapode songa noka seka bala ingen ine chel·e chel·e katsoaha. Uandake, Radingga aro Sadingga, chel·e katani gimin, Aje aro Gilje abisani ku·rangko knaana agrede uamangni bimangko nikna man·jachim.

Radingga aro Sadingga adasani, nogipa namchiktangrangni rikbaako nisona rong·gatsogipa biaprangko mongsongbate ia biaprangko nikna man·a - Memilam a·brio, Sangru a·brio, Rang·kilding, Gadeng a·bri, Koasi a·bri, Tilsa a·bri, Sepon a·bri aro Rong·tottoree Chameragu a·bri·rang.



PHOTO: 17-4-90

RONG-GATRAM (MEMILAM)

Aje aro Gilje abisani Memilam a·brio songdongmittingo Radingga aro Sadingga adasa, Ildek chiko ga·batbae re·bae Koasichi mikkange re·bapil·e, ia dal·dal·begipa ro·ongrangko rong·gate nogipa namchiktangni rikbaako niwatsoaha.

Ia ro·ong namen chua aro dal·a. Namedake niode, ian ong·telaigipa ro·ongrang gitanan nikaia.

Radingga aro Sadingga, ma·an a·song chigako wate re·bae gipin ma·an a·song chigako ga·batbana nangaha. Re·angaon, Sadingga, adatang Radingga·o uamangni ga·batbaenggipa a·songanti chigaanti-rangni gimin u·i ma·sina ske tale sing·angaha. Radingga Jongipa Sadinggani dipet bongbet sing·ani gimin, a·songanti chigaantikon tale agane mesoke on·angtokaha.

Apsan dake, ja·man ja·kurik ja·ku sanagenggipa Aje aro Gilje abisaba, uamang adasani re·anggipa a·song chigarangkon dingding chrapchrap dake rikangengachim. Rikangon, Ajeni nogipa Gilje, uamangni ga·batbaenggipa gipin a·song chigarangni gimin u·i ma·sina ske, abitang Giljeo tale tale sing·baha. Aje nogipana, uamangni ga·batbaenggipa a·songanti chigaantini gimin talate aro agan mesoke on·angaha.

Radingga aro Sadingga, buring diltubegipa, kengnigipa a song chigarangko aro re·na re·togijagipa biap bichamrangko re·angaha. Apsano, Aje aro Gilje abisaba, uandagipa kengnigipa a·song chigarangko biap bichamrangko ja·kurik ja·ku sanangaha. Uamang gimikan buringni kengnigipa bobilrangna. Matcha aro Mongmarangna mamingba kenna sin·anirangkoba ma·siangjaha uamang an·tangtangni re·a rama dualrango kengnigipa bobilrangko chagrongahaoba, cheroroange an·tangtangni re·na dona miksonga-tangtangona sokangna man·aha.

Radingga, Sadingga adasa aro Aje, Gilje abisa, jensalo uandagipa kengnigipa buring bolgrimrangko re·angon, a·song chiga wenangon, Matchako grongo matcha, Mongmako grongo Mongma, Mitde mandeko grongo mitde mande pil·na aro an·tangtangko dakjena man·ani giminsa uandagipa kengnigipa gipin ma·an a·song chigarangko jajrenga donggija re·angna aro songreangna man·aha.



PHOTO : 17-4-90

REDING GATCHAKRAM (MEMILAM)

Aje aro Gilje abisa ia biapon songdong a·chaha aro O·gipa-mamatangko salni salna gongbina doke nichaksoaha. Ia biapo romiting somoio uamang ba·ra reding gate rochakaha. Uam-

ang abisani reding kaani rong-patalni kosako ro-dingding dake chin dongengkua.

Aje aro Gilje abisa ia biapo Gongbinako doke, Imbanggiko sike roaha.

7. NOKDANG DAKA

Radingga aro Sadingga, ma'an a-songoni agan mitakako man'a. kene katroroangani gimin aro uamangko rikangenggipa nam-chiktang sakgni srapna kene bate bate chel'roroe katangaha. Radingga, Sadingga adasa Aje aro Gilje abisa, je biapon ja-nengtakachim, uandakgipa biaprango komibeoba bilsni kari snina songdong a-chaachim. Uandake, uamang biap sepanggriko bilsni kari snina songdong a-chagenchim ong'oba, Gongbina dokani ku-rangko knaana agrede nikgirikna aro gronggrikna man-jachim. Biap damsao, baditana uamang ru-ute songdong a-chaenggenchim uarangni giminsa namedake ma-sina man-ja. indiba A-chik bima katta agananiao bilsni kari sni inesan uamangni songdongani gimin aganaia.

Aje, aro Gilje abisa, mamatang Radingga aro Sadingga adasako, je gita uchi ichi rike nioba sprateljaha aro man-jaha ine aganani gnang. Pil'e agantaia, bon-chotao, Aje aro Gilje abisa, rikroroa amchakjae Chengkanta-Manggonchi-Jamgonda (Rong-tottoree-Chameragu) biaposa srapeaha. Ia biapara, Misi-ni songgitcham ong-achim. Misiko A-chikrang chu-gimik biming mingode, Misi-Biare-Katchi-Susime ba Misi ba Misi-Saljong ine minga. Aje aro Gilje abisa, ua biapo srapeon, an-tangtangni mamatangrangni Gongbina Sonako donue rarikgipako doke, Imbanggiko sike mikmalatna jotton ka-taiaha indiba uamang adasa miknijaha. Radingga aro Sadingga, nam-chiktang sakgni Aje aro Giljemangna ka-sachakani gisik nabaaha indiba uamangni miksonga gita nokdang ba-ku dakna miksongjaha.

Aje aro Gilje abisa, mamatang Radingga aro Sadinggako, mikmalatna, miksongchong-mote, Gongbina Sonako doke, Imbanggiko sike balselaha. Indiba, uamangni gisikrangko dingtangatna man-jaha. Uni giminsa pil'e, Aje aro Gilje, Baminni-Sojonne dakgipa rugipa Gongbinaho ra-doe dokchamena rochamena a-bachengaha. Ua Baminni-Sojonne dakgipa rugipa Gongbina-ko dokosa, Radingga aro Sadingga adasani gisik dingtangbana a-bachengaha aro ka-dingsmit ku-chimit dake ka-ding wachekna a-bachengaha. Unon Aje inaha, "Ku-siktangko simalwa donakon mamade, Jaksitangko Gongpinang

salakon adade". Ua biapo srape Gongbina Bamonni-Sojonni dakako doke romikmala rochameani ja-manoba, uamang Rong·ma an·talaona, an·cheng apala·ona re·angtaiaha.

Radingga aro Sadingga adasa, Aje aro Gilje abisani Chengkanta-Manggonchi-Jamgonda (Rong·tottoree-Chameragu a·bri ong·na nangakon) Misini songgitchamo srapeaha. Uno srapeon jinggipa Sadingga ra·na rongna miksonge adatang Radinggana aganaha, dada bachi katkuna mama bachi re·kuna, nono namchik takrakrang rikroroe sokbajok, ja·kurike man·ejok.

Doko janggil saainok nonoa, den·o janggi nasie chon·ainok namchika. Do·ra do·sisrangenba nokdang ba·ku daknokma? ine Misi·o sing·aha. Una Misi·Saljong, Radingga, 'Jatna kragijako ma·chongna nitogijako, dakmalgija kamrangko daknabe' ine beng·aha. Radingga aro Sadingga, Misini on·gijako, Saljongni watgijako drae ra·na dongna am·aha. Uamangni iandake draana am·ako ma·sie, Misi·Saljong, Radingga aro Sadingga baksa songgigrikaniko dakaha. Misi iandake songgigrikaniko dakaha, "Radingga aro Sadingga, na·simang do·gisikna skang, wala seng·na skang Nongpantena-Jamsirengna nanggen, Nokpantea-Jamsirenga man·ode, Aje aro Gilje abisako kimna rongna man·gen, indiba man·jaode man·jawa" Radingga aro Sadingga, Misi·ni songgigrikaniko kusi ong·en ra·chakaha aro Nokpantena-Jamsirengna a·bachengaha. Nokpante·ange Jamsirengange nion, Radingga aro Sadingga, man·asiengahachim. Misi, Radingga aro Sadingga adasani Nokpantea Jamsirenga man·asiako ma·siaha. Uni gimin iade namchongmotjawa ine, Misi an·tangan Do·bipa pil·e do·gisikchangataha. Dao·onaba A·chikrang pring do·gisikani somoina skang do·gisikgipakon "Saljong do·gisika" ine aganengkua. Uandake, Radingga aro Sadingga, Misi·Saljong do·gisikatchengahani gimin, Nokpanteako Jamsirengako man·agitiko dontongna nangaiaha aro songgigrikgimin gita, Aje aro Gilje abisa ra·na rongna man·jaha.

Indiba, mittam A·chik me·aparangni aganania, Radingga aro Sadingga, Aje aro Gilje abisako bon·chotao kima rongna ineba aganani gnan. D. S. Rongmuthu, uni segipa ki·tap "Apasong Agana (1970)", Aje aro Gilje abisani segipa, Radingga aro Sadingga ong·a ine seanikoba nikna man·a.

Uni gimin uamangni bon·kamgipa sal aro somoirango, ra·a. dongani gimin A·chik bima katta agananirang chong·mot ong·a ba onganaba donga maina dingtang dingtang agananirang donga. Indiba, uamang abisa aro adasani (Mamasa) bon·kamgipa sal somoirango kima dongani gimin darangba sakiko on·a

man·ja. Uamangni bon·kamgipa janggi tangani aro nokdang ba·ku dakani gimin chu·gimik sakkirangko sandie niangkuna man·ode namgen.

8. BANO SIA

Aje aro Gilje abisani bon·chotgipa janggi tangani salrangni gimin A·chik bima katta man·giparangni agananirang dingtangdingtang gnanng. Indiba, uamangni sia bon·ani gimin maming chu·onga aro pangchakna kragipa sakirang jatni gisepo mamin·gba sea jotanirang da·o ia chasongo man·jaha.

Roston Marak, Mariampur songni, Aje aro Gilje abisa, Radingga aro Sadingga adasa, "A·song mingnamgija, Chiga de·nang·gijako Wal·angja Chidorengo sieaha ine agana. Uamang jensalo, A·song chigako wenroroe re·angmitting somoio, a·song mingnamgijako mingna on·jaoba, Chiga de·nanggijako de·na on·jaoba, sing·ang aganangtokani gimin bon·chotao, a·song wa·langja chiga Chidorengo sieaha ine sakiko on·e aganaha.

Bitchon Momin, Konchikol songni, Aje aro Gilje abisamangni sia bon·ani gimin agane inaha, Angni u·ia ma·sia gitade, Aje aro Gilje, mamatang Radingga aro Sadinggako, uchi rike nioba man·ja, uchi doe nioba srapja dakani gimin, Aratcha·Rong·bareni Dari·Dareram, Kaksi Beri jokram a·brio, Aratcha·Rong·bareo darie chokone siaha. Ua Aratcha·Rong·bareko A·chik me·aparang da·alona kingkingba re·malja romalja ine aganengkua.

Pil·e mittam me·aparangni aganania, Aje aro Gilje abisa, Radingga aro Sadingga adasa, A·chik a·ongo sie bon·eja, indiba gipin ma·an a·song chigachi mikkange wenanengkua ine agananirangba donga.

Uamangni re·a roarangni gimin namedake ja·rike niangku. genchim ong·ode, A·chik a·songoni ong·one Dage Amjonga gita re·ange, Budalong·Benagongchipak mikkange re·anengkua. Budalong·Benagongoniba uamang Songdu chiko niwate, a·song Salaram·Chiga Mitdechak (Kamakhya) mikkange re·anengkua. Aje aro Gilje abisa, Radingga aro Sadingga adasako, SEPON HILL (Boko aro Chaygaon gisepgrik, Assam) a·brio srapeaha aro uno uamang ja·nengtakaha. Ua a·brion, Misi baksa songgigrike, Radingga aro Sadingga adasani Nokpante·Jamsirengani chinrangba dongengku·a (Niode Ro·ongrara).

Sepon a·brioniba, Aje aro Gilje abisa, Radingga aro Sadingga adasa, Rong-tottoree-Chameraguchipak mikkange re·bae ia a·brion bilsni kari snian songdong a·chaaha. Ia abrio, songdongani ja·manoba, Salaram-Mitdechak (Kamakhya) a·briona mikkange re·baha. Radingga aro Sadingga, Misi baksa songgigrika-ko chu·sokatna man·jahani giminsa ra·na rongnade man·jahachim.

Radingga aro Sadingga adasa, (mamasa), Aje aro Gilje abisa Rong-tottoree-Chameragu a·brioni Ka·magiri a·song (Kamakhya) chigaona re·bae dongeaha. Ua abrio songdong a·chaani gimin aro uamangni bon·kamgipa janggi tangani gimin daranba agana man·gipa dongjaha. Chanchiate niode, uamang adasa aro abisa, Salaram-Mitdechak (Kamakhya) ba Ka·magiri a·songon songdong a·chae sia bon·a gita nika maina uamangni Kamakhya a·brioni re·angtaiani gimin darangba bima katta agananirango agantaiani dongjaha.

9. BON·CHOTE AGANANI

Aje, Gilje abisa, Radingga aro Sadingga adasamangni kam a·sel aro kattarangni gimin namedake sandirikite niode, nokdango nogipa namchiktangrangni mamatang adatangrangna ka·saaniko mesokani ong·a. Skang chasongni sal ba somoirango A·chik jatni gisepo ba bewalo nogipa namchiktangrang mamatang aro adatangrangko namen mande ra·a aro birong channa. Nogipa ba namchiktangrang maming saloba mama adani mikkangko re·pakja aro agan bal·ekja. Mama adani turam tutiprangchi aro nokpante jamsirengchi maming saloba napja.

Radingga aro Sadingga, nogipa namchiktangrangni u·i ma·sigija, an·tangtangni turam tutipchi, chiring angke jikna re·angmitting somoio napange donuanggipa Gongbina Sonako cha·ue ra·soe kal·aksoani giminsa, songni nokni manderangna aro jongska adatangrangna mikkil kratcha·na kene, nokoni gipin ma·an a·song chigachi re·angaha. Skang chasongni somoio, jatna aro a·songna mikkil kratcha·aniko man·ani namen dalbegipa gro ong·achim. Ua grona uamang adasa namen mikchikkime chanchie nioba gelna man·jawaha ine nike songo nokoni ong·katangaha.

Aje aro Gilje abisa, mamatang Radingga aro Sadingga adasani nokoni ong·kate kattangon, uamangna ka·sachakani aro an·tangtangni dakguala kamrangko ma·sie gualatangko

ku-rachake mamatangrangko nokona rimbapil-na miksongesa rikangahachim. Radingga aro Sadingga, jensalo uamang abisani ja-man ja-man rikbaengako niksoon bate batesa chel'e chel'e katroroangaha aro Aje, Gilje abisaba badiaba biapode srapgen ine chanchie rikroroangaha. Radingga aro Sadingga adasa, mibadake songni nokni manderang uamangni rikbaako nikrikode aro uamangkoba nikode, jik ba Se seke bale katta ingen ine bate batesa mikgil kratchana kene ta-raken katroroangaha.

Aje aro Gilje abisani kamrangko chanchiate, A-chik me-
aparang noti dari dakani kam ine agana. Aje aro Gilje abisani kam aro bewalrang, beben noti dari dakani bewalrang gita chanchiatna man'a. Indiba, namedake chanchitaie niode, uandake ong-janaba dongakonchim. Uamng abisa, mamatang sakgniko nok jamona rimbapil-na miksongesa rikangachim ine agana. Radingga aro Sadingga adasa, uamangni gisiko chanchianirangko u-i ma-sisojae bate batesa katroroangaha jedakode uamang abisa srapjawa. Uamang abisa aro adasa indita bilsi aro karirangna rikroro katroro dakangahani gimin, jensalo srapeon uamangni chanchia gisikrang dingtangaha gita nika. Uandakesa, uamang abisa aro adasa (mamasa) bon-chotao ra-na rongna am-achim. Misi-Saljong, uamangko apsan ma-chong aro chatchi ong-ani gimin ra-na rongna on-jaha ine bima katta aganania gnanng. A-chik jatni bewal aro dakbewalo, da-onaba apsan Ma-chong aro chatchikode ra-na rongna on-chongmotja jemangkon on-gijako dra'e ra-giparangkon, Ma-chong apsan ko ra-gipako ma-dong aro Chatchi apsan ko ra-gipako Bakdong ine minga. Aje aro Gilje abisani kam aro bewalrang gimikan jatni gisepo basakoba dakgualani ba ja-gipuani gita ong-naba donga indiba uandakgipa ongn kragija obostarang jatni gisepo sokoba Misi-Saljong Ma-dong rongnade on-chongmotija ine aganoba gualani dongja.

Aje, Gilje abisa aro Radingga aro Sadingga adasa jekai a-songanti chigaantiko re-ro-ro wenrooange a-song chiga gimiko u-i ma-sianga gita an-chingba ja-man ja-man A-chik a-songni pilak biaprangni gimin chengo mai ong-achim aro maina ua biap bichamrangko aro a-song chigarangko mingsing minggama-chim sandie kinalo chanchina man'a gita kanatime ra-rikpana.

Aje aro Gilje abisa skang ro-ongni chasongni manderang ong-ani gimin mai obsostarang skangni sal somoirango ong. chongmotenggenchim uarangni gimin mamingba sakirang dong-gijanio name ma-sirikna man-jaha. Dao-o ia an-ching chasongo

uamangni kam aro kattarangni gimin, knarikgenchim ong·oba golpo gitasan chanchiatna man·aiaha. Radingga aro Sadingga adasani rong·gatgipa ro·ongrang pilakkon, ong·telaigipa ro·ongrang gitasa nikna man·a maina dintangmancha ua ro·ongrangko gatoe donani maming chinrang dongja. Mittamrangode beben gatoe dona gita sraksrak dakbebea, ia kamrangara changsao ong·bebeahama chanchie niangkuna man·ode namgen.

Tilsi a·bri-o Aje aro Gilje abisani a·songani ro·ongni kosako, uamang abisani ki·sangni aro ja·a ja·sirangni chinrang (Fossils) dongbebea. Ia chinrangara, maidake ua ro·ongni kosako asongani aro ja·sirangni mohorarang rohirika. Ua chasongrangara A·chik me·aparangni aganani gita chengo A·anma ringringro Chinma bingbo bingbo dakmitting chasongni ong·ama? Gisik a·ning bite chanchigiparangni aganani gita A·chik a·songo changsao, A·ningni wa·al (Volcano) ong·katama. Ia apsan a·brion, singsingkol dake a·kol donggipa, ua wa·al ong·katani ba a·biba watani (Crater) ong·na nanga ine anga an·tangde chanchia. Tilsi a·brio donggipa chinrang A·chik a·songni bang·a biaprangon donga.

Aje aro Gilje abisani gongbina doke gallanggipa wa·a charika jekon A·chikrang Tilsi wa·a ba Tusi wa·a ine agana. Ia wa·ani uandakgipa wa·a A·chik a·songni gimik biaprangon chaa iade ong·ja. Je biapon Aje aro Gilje ja·nengtakaha aro Gongbina doke roa, uandakgipa biaprangosan chaia. Ua wa·a agreba silja aro siaba sija chasongni chasongna apsan gadango donga. Iandakgipa rokomi wa·ako A·chik a·songni ia biaprangona agrede man·a amja. Me·mang narangko jekai A·chik a·songona agrede man·a amjaha, uandake iandakgipa wa·akoba. A·chik a·songni ia biaprangosan man·a amaiaha. Ua wa·ako, A·chik me·aparang den·malja aro kal·akmalja ine beng·a, je mandean ka·lakgen ba den·gen ua manderangnade maiba dukni ba kratcha·ani kam aro a·selrang sokbabebea nanga, maina mandena ong·a obstarang gimikan mandeni chanchia aro kamrangosan pangchakaia. Uandakgipa wa·ao haida dintangmancha Mitde·ni bilba dongna nanga maina uandakgipa wa·ako A·chik pagitchamrang chengo A·song Kosi maniode Tilita songna jakkala. Mitam A·chikrang ua apsan wa·ako "Tilita wa·a" ineba minga. Mitdesa uandakgipa wa·ako jakkalchengaha ine agana. Haida ian ong·naba donga maina maiba chanchina man·gijagipa Mitdeni bilrangba dongbebeakon.

D. S. Rongmuthu, uni segipa ki-tap' "Apasong Agana (1970) Aje aro Gilje abisako, Radingga aro Sadingga jik kima ine agana. Indiba, A-chik bima katta agangiparangni agana gitade, Aje aro Gilje abisa, Radingga aro Sadingga adasako, Se kimna man·ja ine raken jee agantaiskara. Uni gimin uama·ngni chong·mot kamrangko sandiangkuna gita cholrang namen bang·engkua.

Aje, Gilje abisa aro Radingga, Sadingga adasani kam katta aro cholonrangni gimin, uamangara swachim, golposanma ba mande agitalanma chong·mot sakirangko am·e sandiangkuna man·ode, ian jatna mingsa gamchatbegipa gamjin ong·genchim. Angni ia ki·tapo jeko man·a sandirikite seahachim, indiba namedake chu·onga ong·kuja ine anga an·tangan nikenga. Anga, A·chik a·songko Aje Gilje abisa, Radingga aro Sadingga adasa jekai re·roroaha, ua gita ja·rikpa·na man·jaoba, jeona man·a ua biaprangona re·e sandie, kinalo angni jongdrang nodrangna u·i ma·sirikpachina ine jeko man·a see donangenga. Aje aro Gilje abisa, Radingga aro Sadingga adasa, an·chingna A·chik a·songni pilak biap bichamrangni gimin agan talate on·angaha, jeni gimin ong·a ba ong·gijako sandie nirikpa·bo.



PHOTO : 17-4-90

AJE ARO GILJENI RORAM BIAP-SARA ba ATILA (MEMILAM)

Memilam a·bri je biapon Aje aro Gilje abisa rorongachim
Ua rong·patal namen apala ga·nanga aro balnanga. Sepang
jolo donggipa sam bolrang dimrim dimrim dake chae, a·briko
nitoata aro an·sengata. "Ambareba dimrimrim ake cha·na
jaksoka, Rong·ma bo·rot bo·tot, asongpana saktika."

A·tila jatchio uamang rong·gate asonge Gongbina Sonako
doke, Imbanggiko sike rorongachim.

Aje aro Gilje abisani roronggipa sara ba a·tilani sambengo
Do·nol rikani chinkoba nikna man·a. Indiba, ua do·nol bilsi
1897 da·lgipa banggriao be·gruaha ine pa Kedan Nenglang
(Mangsang) Sangma, songkama songni sakiko on·e aganaha.
Aje aro Gilje abisa Do·o aro wak jilachim ine agana. Ia biapo
basakoba basakoba, Do·mesal, Balgitchak, Wak aro gipin jontu-
rangkoba nikna man·a, indiba so·otna je gita jotton ka·oba
man·ja ine sakiko on·taia.

III
DAKMESOKANIO BAK RA·GIPARANG

1. BENARU-SILGITCHU :- Aje aro Giljeni Pagipa.
(Benaru-Silgitdu)
 2. GRIMCHI-BACHARI :- Aje aro Giljeni Ma·gipa.
 3. DIRIMIL-CHANGRIMIL:- Radingga aro Sadinggani
Pagipa.
 4. SILIKKI-NOTOKI :- Radingga aro Sadinggani
Silikki-Dodoki Ma·gipa.
 5. GRURACHA-CHANGSIN :- Radingga aro Sadinggani
Nokma adatang.
 6. RADINGGA :- Aje aro Giljeni Mamatang
(Grimchi Bachari-ni Jonggipa)
 8. SADINGGA :- Aje aro Giljeni Mamatang
(Radinggani jonggipa)
 8. DIMERANCHE :- Aje aro Giljeni Abitang.
 9. AJE :- Abitang
 10. GILJE :- Nogipa
- } Silgitchu aro Bachari-
ni demechikrang.

A·SEL ONG·CHAKGIPA BIAP

A·song Chigani gimin agangiparang dolgni gnang

- I. A·song silang a·brio, Chiga wa·te a·dingo,
Silang bibal balramo, Rong·ma me·kin ong·ramo -
(Napak me·mang a·song).
- II. A·song Do·nare wakchelchik, Meminram misaram,
Manggaru a·chik Simsang bisik, Do·ma gittok re·ru gittang
(Meminram a·bri).
Aje aro Giljemangni ma·gipa Pagipani a·songoni katta
a·bachenga.

DAKMESOKANI - I

MESOKANI - I

DE AN·SENGA

- I. A·dikma Gongarasa, grongtangko ketali chane,
Na·bakma ja·korasa, ki·metangko amsuri ine,
Uko chekke sepemingsa, galmechu galmepake,
Da·oba mande agitalba, galmechua galmepaka inake.
Sepa chekke paltaktak sepe,
Mibi sarang bokako, merongko sate roa ina,
Wa·seko gengwang gengwange, unon gipuatana.
- II. Do·nare wakchelchiko, Ajeko mikkang nikjok,
Meminram mesaramo, Giljeko de an·sengjok,
A·song Sillang birio, umang songdong a·chara,
Chiga wa·te a·dingo, da·nang chiga chiringa.
- III. Manggaru A·chik, Simsang bisik nalsa·o,
Do·ma gittok re·ru gittang pil·sao.
Mamatang Radinggaba, nokpantepaengjokna,
Adatang Sadinggaba, jamsirengpaengjokna.
Be·en an·chi sikchape, ba·a ina Ma·gipa,
An·chi janggi sikchape, chi·a ina Pagipa.
- Radingga : Hai jojong an·chingba, songo rona arata.
Mils i jike ropana, ange am·e nipana.
- Sadingga : Bachiniko am·naka, hai dada re·bo hai,
An·ching Gongba sonako, bano donangpa·gensai ?
- Radingga : Na·ara cholijaengama, gongba sona donsasa,
An·ching kodam ning·rango, dape donangaibora,
Mils i pia man·badoe, bijak toe cha·namo,
Attam neng·e sokbaode, be·enba an·sengpa·jamo ?
- Sadingga : Dada maina jajrenga, an·ching bikan sokbaigen,
Angke na·tok mangmangde, koksi gape man·baigen.
- Aje : Oh ! nono Giljea, na·ra maiko chanchia,
Adara Radinggara, bachiman·cha re·anga ?
- Gilje : Mamade Radinggade, bima milsi pinaka inenga,
Ku·mongenga adade, chiring ang·ke jikpana.
- Aje : Adara Radinggara, Gongba Sonakoara,
Ra·angama donanga, hai a·me nipana.

- Bano mancha donanga, Nokpanteniko am·bora,
Gong·ba Sona dokpana, nono am·epa·bora.
- Gilje : An·ching turam biapo, donangaibo inenga,
Nokpanteo kodamo, dapangaibo inenga.
- Aje : Abi nang·na ge·sane, maman Gongba Sonako,
Intang am·a nikode, an·ching doke ninane da·o.
Gong gegong rikagong, billik kambe angchi gong,
Apajongni wa·gechong, bijak gri min·dillong.
Gong gegong billikgong, bolmaoni Gredong,
Mamade Radinggade, da·on panang goserong.
- Gilje : Nono da·a dokaha, songa noka gam·gene,
Abi Dimeranchede, intang agansogenne.
- Aje : Nono na·ra kenama, Abi Dimeranchena,
Intang agansoora, an·ching jechaktokaina,
Mama ada an·chingko, dokna am·e sing·oba,
Na·ra jechakaibone, Apa sakki on·oba.
- Gilje : Badi gita jechake, an·ching doka jokpagen,
Kakketgija dakoba, pil·e dukko man·pilgen,
- Benaru-
Silgitchu : O·gipa mamatangni nokpante jamsirengchi,
Rikrikrakrak dakeming, na·songkode attamchi,
Di·malegen sokbaenba, goldaiegen demechik
Dokepa·na am·egen, Gong·ba sona tangitik,
Am·e nio nikjaode, an·tang biaptangniko,
Dukko man·e dongpagen, an·tang gisiktangtango,
- Grimchi-
Bachari. : Intang sokbaku·china, agansogen na·songko,
Sanna dipet dokchina, agre denggu dakgiparangko.
Mamatang adatangni, turam tutup a·damna,
Re·na kraanikama, mikgil kiratcha·jama
Re·mal domalja ina, a·si a·mat nangana,
Mikgil kiratcha·genne, songa noka mitaka.
- Benaru-
Silgitchu : Agan ku·sik neng·pila, jari sakgnikode,
Ma·a a·sel ong·pilgen, ja·man ja·wilchide.
- Grimchi-
Bachari : Chinga nang·ma me·traode, mama adan mikkangko,
Re·pak dopaknan kenna, on·a mangmang
ku·rangko.

Mamatang adatangni, nokpante jamsi-rengchi,
 Kending kending dakmana, re-pakna-an sepangchi,
 Benaru- : Sala manengani pal, mamatang adatangrangba,
 Silgitchu : Bate namnikpil-aigen, doka satta dongsrangja.
 Mittam mama adade, sason ka-nan, pa-srangja,
 Banoniko inaienga, agan bal-ekgriknasa.



PHOTO 17-4-90

TUSI ba TILSI WA·A (MEMILAM)

Aje aro Gilje abisani gongbina doke galanggipa Memilam
 a·brio charikaha ine agana. Ia wa·a pangnaba silja aro siaba
 sija. Ia wa·ani silgijani a·selde haida, a·a a·sal dongjani gimin
 ong·naba donga maina ia wa·a rong-brakni kosako chaaha.
 Chasongni chasongna apsan bimango dongaienga ine A·chik
 me·aparang sakiko on·a.

Ia wa'ako darangba den'e ka'lakna man'ja. Je mandean manigija ba bebe ra'gija kal'akode ba den'genchim ong'ode, ua mande namgija a'selo ba kratcha'aniko man'a. Nepal saksa, wa'cheksiko matma mona den'aha, ja'mano ua Nepal songchi sokanggija Memilam a'brion brange sichipaha. Mitamrangara ke'gija ma'a no nangana mat'angako man'aha,

MESOKANI- II

- Radingga Sadinggaba, bima milsi piani,
 Re·bapiltokpa·jokna, chiring ang·ke jikani.
 Noko sokbajokode, jamo napejokode,
 Nogipa namchiktangko, ka·o nangen bisongde.
 Bak songo sokkarin, borang gakattangtokjok,
 Kodam bildingbildangko, umang nikearijok.
- Radingga : Chingni dring do·gako, sawa donga oasa,
 Ba·ra kodam gimikko, maiko bile am·sa.
- Sadingga : Nono Aje Giljean, do·ga dring oama,
 Ba·ra kodam gimikko, salchichie roama ?
- Radingga : Bima milsi piani, re·ba an·ching neng·aha,
 Turamtango neng·take, da·o dikdik rokuna,
- Sadingga : Bima milsi piaba, man·de man·bebebajok,
 Chiring ang·ke jikaba, da·alde kosi chakjajok.
 Mama Gongba sonako, ianon donangpaachim,
 An·ching kodam mitapon, dape donangaiachim.
- Radingga : Sawa an·ching turamchi, re·bae ka·lakesasai,
 Nono Dimerancheo, sing·e sane nina hai.
 Nono Dimeranchea, chingni Gongba sonako,
 Kal·akama ku·chakbo, doka man·gen intango.
- Dimeranche : Dongja mama angade, nokpantechin re·angja,
 Gongba sona donako, angadene nikpaja,
 Nono Aje giljesa nokpante jamsirengchi,
 Gadoange ranga, Gongba sona am·na ine,
- Aje : Giri mama chingade, borang jang·ke gakatja,
 Salgimikan chingade, sara ong·katpa·nikja.
- Gilje : Dongja ada chingade, nokpantechin re·angja,
 Doka janggil sachina, tol·e on·tokengasa.
 Borang gakattangode, abi Dimeranchean,
 Nikataigen chingkode, sara do·do nirikan,

- Sadingga : Oh ! nono na·ara, borang gakatangako,
Nikrikpama nikrikja, nono Aje Giljeko ?
- Dimeranche : Da·sin nang·ni ja·manchin, borang gakatangengjok,
Gongba sona donako, kondila·o keengjok,
Tole jechakengasa, doka man·a kenenba,
Maman Gongba sonako, an·tang doke ronasa,
Aje kakket ku·chakbo, tol·e aganpa·nabe,
Kenne jechakanichi, kiratcha·atpanabe.
- Silgitchu : Him ! Sawasa mai dakjok da·oara ?
Angan da·sin iandake dakgen inen, adatang
Mamatangni nokpante jamsirengchi gakattangnabe
ine beng·achimba, Sakkirangko ra·e da·on sandibo,
Chinga buchima, budepade dongpajane,
- Radingga : Gongba sona donako, am·e nion nikjajok,
Ba·ra kodam gimikan, bildingbildang dakaijok.
- Grimchi : Da·sipringon iandake dakegen inen anga
Bachari : na·simangko beng·achimba, Sawa mancha kal·aka
maina on·pilja.
- Silgitchu : Gipin sawaenggene Aje Giljemangan ong·enggen
Namkale jetbo uamangkoara, aganna kattakon ra·ja
kokarengkon olja. Da·si salon wa·ritchong,
bolritchong wa·gechong bilikchong ine dokakon
chingan knaenga.
- Radingga : Nono Aje Giljea, chingni Gongba sonako,
Sawa mancha ra·ea, on·pilgenma on·pilja ?
- Aje : Giri mama chingade, nokpantechin re·angja,
Sara mi rammane, do·o rike roaia.
- Dimeranche : Maina re·angjagenna, jeengasa nonode,
Gongba sona ra·ako, angan nikatengake.
- Aje : Abi Dimeranchesa, borang gakatangake,
Chingko nikatanasa, katbapilaiengake.
- Gilje : Pring sal·chugrabao, am·bol sotna re·anga,
Uni sokbapil·oa, chi ko·e roea.
- Radingga : Tol·nabene nonone, ra·ja Dimeranchede,
Bimangkoan u·ia, Gongba na·song jakone.
- Sadingga : Oh ! nono Aje, da·o maiko chanchia,
Chingni Gongba sonako, on·pilgenma on·pilja ?

- Aje : Giri mama chingade, ra'a dongchongmotjane,
Abi Dimeranchede, tol'e on'engasane.
- Radingga : Da'a bal'eka nonone, tol'e aganabene,
Aganako ra'jaode, den'esonne rogenne.
- Dineranche : Janggi sina sikama, nono denggu daknabe,
Gongba sona jakkipa, aiwa nikatengake.
- Gilje : Giri chinga ra'paja, rumal jakipengasa,
Mama dokna keneming, jakpa rim'pengsoasa.
- Radingga : On'gnima on'jama, ching'de den'bebegenne,
Bi'o on'chongmotjaode, ching'de ja'ku jitgenne.
- Sadingga : Gongba sona bi'oba, on'piljamo adamo,
Nono dari takrakde, agree denggu dakamo ?
- Radingga : Banoniko sol'tainok, saoniko man'tainok,
A'song chiga birange, am'roroe nitainok,
MISINI A·PILPANI, SOTGALAKO SOL·ACHIM,
SALJONGNI GALAPANI SINGALAKO
REPACHIM.



PHOTO : 17-4-90

TUSI BA TILSI WA·A (MEMILAM)

Aje aro Gilje abisani gongbina doke gallanggipa wa·a charikgipa ine A·chik Me·aparang agana. Ia wa·ako A·chik-rang 'Tusi ba Tilsu Wa·a, ine minga.

Iandakgipa wa·a, gimik biaprangode ramram chaja. Je je biaprangon Aje aro Gilje abisa, mamatang Radingga aro Sadingga-ko rikroroe neng·take Gongbina doke nisoachim, ua biaprangona agrede chaja. A·bachengo Radingga aro Sadingga adasa, ua Gongbinako, "MISINI A·GILPANI SOTGALAKO SOL·A, SALJONGNI GALAPANI SINGALKAO REPA" ine

agana. Indakgipa wa'a A'chik me'aparangni aganani gitan jelaba jelja aro gimaaba gimaja. Ia wa'ako kal'akmalja' ine agana. Je mandean ia wa'ako drae ba u'ijae kal'akgen, ua mandena maiba dukni ba kratcha'ani ba sia bon'aona soka ine A'chikrang bebera'a. Bebera'ani gitan A'chikrang ba je jatba ia wa'ako sriko-mitino ba je somoioba kal'akbebeja, maina ua wa'ako den'e kal'ake ba nosto ka'gipa manderangna ong'bebea a'selrangko nikeba, ong'bebeakon ine bebe ra'e kentoka.

Tilsi ba Tusi wa'a A'chik a'songni ia biaprango mong-songbate nikna man'a -(1) - Memilam a'brio, Songkama song-samo (2) - Tanggittik Nokpante ba Koasi Nokpante - Koasi a'brio (3) - Sangru a'bri, Rangsa Arengdo songni salgro chipak donga (4) - Gadeng a'bri, Sangru a'brini Salaram nichingchak-gipa a'bri aro (5) - Tilsi a'bri, Konchikkol songni Saliramchipak donga. Assam a'songoba, apsan wa'akon ia biaprangoba nikna man'gen - (1) Budalong-Benagong a'brio (2) - Sepon a'brio, jean Boko aro Chaygaon gisepgriko donga aro (3) - Rong'tottoree, Chameragu a'brio. Ia biaprangona agrede gipin biaprangode nikna man'ja. Ia biaprango adita bilsirangna songdongani chinrangba gnang.

MESOKANI - III

Radingga Sadinggade, ka'o nangantokjokai,
Gongba bi'e on'jana, ja'ku jitungengjokai.
Aje Gilje abisa, Gongba sona bi'e nioba,
Jako jakmikkepessa, donuaijok bisongba.
Radingga Sadinggade, gisik duk man'angengjok,
Ma'an songko watgale, re'chakatantokengjok.

Radingga : Songa noka mitaka, man'e maina re'aina,
Jong adana kratcha'e, songo maina ropana.

Sadingga : Aman bibol biteko, wate re'na nanggnok
Bitchini kosi wariko, janggilatna nanggnok.
On ! mama chingade, a'songtangko watgale,
Re'na nanggnok chingade, chigatangko don-gale.

Radingga : A'song Donareko chiga, Wakchelchikko watnok
Apa-ne Meminram mesaramko, janggilatnok Amane,
(Meminaram a'song)
A'song sillang biriko, watna nanggnok, Bitchine,
Chiga wa'te a'dingko, janggilatnok, Budene (Napak
me'mang a'song).

- Silgitchu : Bachi re·na rona am·enga ?
Sin·ako janggilate injok sipana.
- Grimchi : Ah ! bachi re·na am·engana ? Maina songko nokko
Bachari wate katna am·engana
- Silgitchu : Haha ! wachi ronakana injok Namedake
Sing·rike ra·bora, Na·aba ja·rikangkande.
- Radingga : Nono dari takrakan, Gongba sona bi·on on·jajok,
Songo noko rooba, jinma mitakainok.
- Aje : Mama bachi re·naka, ada maiko am·naka ?
A·song niroropana, chingaba re·e nipana.
- Radingga : Da·a bal·ekne nonone, agrepil·e daknabe,
Songa noka mitakna, kenne katengasane.
- Aje : Katbo na·a mamaba, sani songchi katnaka,
Gongba sona dokjoljole, ja·ku rikgen nang·naba,
- Grimchi : Bachi katnaka, bachi donaka, re·angnabe, Je
ong·oba nasimang songon dongeming Wakmate dinga
dinga Aje aro Gilje abisako dangsrangbo. Jawa
songchi re·angsrangahaode, chingaba nike sijawaha.
- Benaru : Katangnabe re·angnabe, mande skara seke bale
Silgitchu kata inainok, Chinga ma·gipa Pagipasa
na·simangni pal kratchachakainok.
- Radingga : Jojong knatimnabe, ba·ra kancha taribo,
Ragitoe ra·gnok, mil·am krok potako.

MESOKANI IV

- Ma·ni bibol bitena, sinteangnok Radingga,
Pani wa·ge am·pangna, girapangnok Sadingga.
An·tang nokpanterangko, an·piltaitai niangnok
Ringa chidaretangko, nipiltaitai girapnok.
Ma·an nokko watgale, re·nakengjok Radingga,
A·songtangko don·gale, katangengjok Sadingga
Gipin ma·an a·songko, re·anggenne Radingga,
Balmin ma·an chidingko, roanggenne Sadingga.
- Radingga : Hai jojong re·gnok, ba·ra kancha ra·jokma ?
Milam krok potako, na·ara ragitajokma

- Radingga : Rama tangka dakramko, re·gnine jojongne,
Sillang mikchi ong·ramko, rognine an·chingde.
Hai jojong re·bohai, ta·rakale re·pabo.
Nang·ni re·baa janggalchi, da·a na·a nipilbo.
- Aje : Re·angengjok adade, nirikoan ka·paka,
Katangengjok mamade, ku·rangna·an ka·sara,
Hai nono re·bora, ja·ku ta·rakkalbora,
Intang rama nikjawa, na·ara gong·rakkalbora.
- Gilje : Katna mama am·ara, katangbebeaiamo ?
Wate re·na aganna, katangbebeaiamo ?
Ka·pakjama mamara, an·ching abisanara,
Ka·sajama adara, Ama Apan a·songna.
Oh ! mama Radingga, chingko nipilatbora,
Ba·ra kancha ra·ako, chingna ra·na on·bora.
- Radingga : Nono Aje Giljede, ja·rikkabebe·engjokai,
Gilje dari takrakde, rikbabebe·engjokai.
- Sadingga : Songa napakgipade, seke kata ingine,
Gittim re·pakgipade, jika jikse chan·gne.
Badi gita katenba, jokna cholko man·gne,
Mai cholko dakenba, an·ching jokna man·gne.
- Radingga : Hai jojong gong·rakbo, nipilnabe dariko,
Sadingga : Nang·ni nipilanasana, chadengdika angaba.
- Aje : Oh ! dada Radingga, Gongba sona doknane,
Chadengdike nipile, changsa an·pilku·bone.
Ku·siktango simalawa, donakon mamade,
Jaksitangko gongpinang, salakon adade.
Rong ma an·tala·ona, an·cheng apala·ona,
Kattangoba mamani, ja·rikaigen chingaba.
- Radingga : Aiwan aman a·songchim, him ! angai goserong,
Bitchin buden chidingchim, da·al salsa mo jong,
Aman wa·ge chubanda, Mongma rurikaignok
Apan bibol biteko, Amak akrikaignok.
- Sadingga : Ringna basing baringga, ringe roaienggnokmo ?
Aman minga Sadingga. brange, siaignokmo ?

MESOKANI - V

A·songanti wilwile, chigaanti bawile,
Re·angjok uamangde, roanggnok bisongde,

- A·song prakprakni chigako, kattarangkon talanggen
 Chiga prakni a·baku, a·songantin wenanggen.
 Aje Gilje abisa, a·songanti rikgine,
 Radingga, Sadinggaba, ama dipet katgine.
 Gittim napakgipade, seke katta ingine,
 Songa re·pakgipade, jika jik se ingine.
- Sadingga : SIPIN ma·an a·songko, ada maina mingaba,
 Balmin ma·an chidingko, maina mancha de·aba ?
- Radingga : Jojong u·ikujama na·ara kina ku·jama ?
 Jinma mingsing minggama, songa biming de·ara.
 GERE nokte ong·ana, rejak dingtang cha·ana,
 Kinajama na·ade, jojong u·ipa·jama ?
 Mongmako bolgro oka, balwako jakgitok pe·a,
 Agamko wagam pe·a, angkeko sko sota.
 Kinmako bibik ota, do·nokko beri oka,
 Rejakmako grang chita, Geremako mitap oana.
 Rejak silchi sikaba, ianon sika inake,
 Gereko mitap oara, ianon oa inake.
 Rejakmako grang chita, ianon chitanaba,
 Geremako kiro oka, ianon oka inna.
 Rejakmako Narap mingana,
 Geremako Nojimje de·ana.
 A·ning Rokrin Me·asa, ge·a ina ukode,
 Chining Rejan pantesa, dape donangake.
 Minggnikon uasa, ge·e dape donanga,
 Be·en maronchina, inen ua patiangga.
- Sadingga : A·song prakprakni kattarang talama ?
 Chiga prakprakni a·bakoba bo·nama ?
- Radingga : Gisik me·apaniko, chanchibone jojonga
 Ama, Apa aganna, u·ijama Sadingga,
- Aje : Oh ! dada Radingga, Oh ! mama Sadingga,
 Re·a ja·nengbajokai, changsa nipilpa·bora.
- Gilje : Oh ! mama Radingga Gue siri chag·enma ?
 Oh ! dada Sadingga, Gongba sona doknama ?
- Radingga : Oh ! jojong Sadingga, nono dari takrakde,
 Sengsopa·bo inenga, namchik Aje Giljede,
- Sadingga : Gongba doke ronade, sengsoboکه adara,
 Ka·saode na·ara, nisoboکه Radingga.
- Radingga : Da·a bal·eka jojongne, gipinkosa bal·ekbo,
 Sadingga : Ka·sajaode mainasa, nipilade adara,

- ggen
- Radingga : Ku·rang on·ajokonna, maina nipihjagine,
- Sadingga : Jinma u·rigijade, seke kata ingine.
- Radingga : Bal·eknabe jojonga, hai re·chakatainok,
Ta·rakkale re·bora, intang srapaiginok.
- Sadingga : An·sengjokmo inode, nikwatjokai uchide,
A·bri simdim simdimsa, Rong·ma rikkim rikkimsa.
- ba ?
- Radingga : Maina an·sengjagine, jinma agangipara,
Maina nikwatjagine, songa biming de·ara.
A·song aha didiko, kinajama na·ade,
Chiga Ranggil mongsiko, u·ijama na·ade,
- a,
- Sadingga : A·song aha didia, sani sani a·songba,
Chiga Ranggil mongsia, sani sani chidingba ?
- a.
- Radingga : Gantini kakchengni, a·songnane jojongne,
Jonggilwengni josengni, chiganane uade.
Gantiko ba·chakram, chidingnane iade,
Jonggilwengko neng·chakram, a·songpara iade,
Ranggilsiko ianon, ba·chakgipa a·songba,
A·song chiga antion, a·nokgipa dongaba.
- Sadingga : Da·oba ianonpitima, uamang songdongpitima ?
Biaptangon dongkame, nokpantepaengpitima ?
- Radingga : Banoniming dongkamna, re·angman·jok chaware,
Re·na kraa gita, re·angaha jiktangchi.
- Sadingga : Biming mai minggipa, rimangamo adamo ?
- Radingga : Anangpa Dikangpasa, rimeana inamo ?
- Sadingga : Ma·de ginangengenmo, biming mai mingaba ?
Pade dongpaengenmo, pako mai mingaba ?
- Radingga : Dipet bongbet sing ara, anga aganatnane,
Katta rongtalnakode, jojong knatimbone.
Magipako MALASI, de·a ina Sadingga,
Pagipako Miranda, de·a ina jojonga,
Malasini dingdingram, biap ina ukoa,
Mirandani ki·me sonne, neng·ram ina,
Anangpa Dikangpara, Re·supa Re·balpara
Rimeana uamangkon sing·cana uchikon ina.
- Sadingga : A·songnasa rimama, chiganasa sing·ama ?
Bimangnasa rimjokma, mikkangnasa rimjokma ?

- Radingga : Gantini ma·koa, chengrip minal mingana,
 Jonggilwengni ma·koa Sarangchit mingana,
 Ranggilsini ma·koa, Baniaset de·ana,
 Gantini Pakoa, Tatiabal de·ana.
 Pakmao gam·pachinara, Ranggilsiko ba·ana,
 Dare susachinara, gantiko ringringko neng·ana.
 Kambe sinilgipara, bolringrangjak pangsana,
 Bima malangipako, gukkigrak mangsana,
 Chidarena do·pakkal, dopachina watana,
 Bolma bolsa manggal, chaa ina unoa.
 Dareona dandrakko, gagakchina rimana,
 Rong·barena Matrongko, malgachina singa·na.
- Sadingga : Una agre rimjama, gipinkode sing·jama ?
 Badi gitan bang·enggen, a·sak mknenganirang,
- Radingga : Do·kua deapako, sing·ako knajama ?
 Wa·cheksio ba·china, Apingga re·rupana,
 Bolkambeo rochina, do·kua deapako rima.



PHOTO : 17-4-1990

NOKMONG (MEMILAM)

Aje aro Gilje abisa ia noko (Rong·madot) donga ine aga na. Ia rong·madotni samtangtango dal·dalbegipa Prap aro Gittingrang chaa. Rong·madotni samtangtangan rong·grim aro sillang dare dake, Ia biapon Aje aro Gilje songdonga ine agana.

DAKMESOKANI - II

MESOKANI - I

- A·song chiga bon·anggen, nogipaba rikanggen,
Radingga adasaba, ama dipet kattanggen.
Biri chukala·ode, a·bri namkala·ode,
Nidikoba an·pile, nisogenne bisongde.
A·song mao gidoma, chiga tangtinima,
Ronggatgine bisongde, nisogenne umangde.
Uko badeangman·e, uko speangman·e,
A·song dirimilsajok, chiga changrimilsajok.
- Aje : Oh ! dada Radingga, chingna ka·sajajokma ?
Oh ! mama Sadingga, pil·sa nipiljajokma ?
Gong gegong bil·likgong, Apajongni wa·gechong,
- Gilje : A·an gitok bon·kamae, rikainamo abimo,
Janggi tangenga dipet, ja·rikaina Ajemo ?
- Radingga : Oh ! jojong Sadingga, rikba·ama rikbaja ?
Nono dari takrakko, niksoama niksoja ?
- Sandingga : Anga nipilatnane, sengkubo adane,
Name nikatsrangjaenga, anga rong·gattainane ?
Ronggata·o chadenge, niatbone adane,
Nikatode gonggonge, kataibone na·ane.
- Radingga : Aiwa re·babebeenga, dari boldak takrakde,
Gongba sona ra·bite, a·dingbatokengane.
Nio nidikbeoba, nipilama Radingga ?
- Radingga : Hai jojong re·bora, a·song Ram Lokonna,
Ja·ku ta·rakkalbora, chiga Ram chondolna.
- Sadingga : A·song Ram Lokonko, maina minga adane ?
Chiga Ram Chondolko, maina mancha de·ane ?
- Radingga : A·kimbri bawilramchi, sokegenmo a·songgna,
Rong·tamatchi wilwilramo, najokgene Sadingga.
Mangsawe mitilram a·songo, Do·kuako ba·ana,
Apingga re·rupako, do·kua jimjerambo neng·ana.
A·song Ram Lokono, Do·kuaba roana,
Chiga Ram Chondolo, deapara wenana.
Bekgitok garengmalde, donga sa·min a·songo,
Gilnok donja ina, chonggi chitja uano.
Sangma sangreng, a·ning dare raria uako,
Rompa chining panteba, jaksokpa·jajok uko.

MESOKANI - II

- A·bri simdim simdimko, niwate golpoanggen,
 A·chu andalsimsimko, nikate agananggen.
 Salgrochi mikkange, re·anggenne bisongde,
 A·gitchak chichalwana, re·anggenne umangde,
 Uko badeanggnok, uko speanggnok,
 Biri rimrimangnok patal spebaginok.
 A·song Gongja dareko, chiga tapsigiriko,
 Re·anggenne umangde, Tapsigreni a·songko.
- Aje : Aiwan Duran nokbichong, nono u·ikujama.
 Uanbani Duramong, na·ade rongtalku·jama ?
- Gilje : Giri abi kinaja, Duramong nokbichongko,
 Katta ma·talkujaenga, Ranggira a·biriko,
- Gilje : Nio mikkim rongake, danpanang Duramong,
 Niko andalpil·ake, aiao ! da·nang nokbichong.
- Aje : Maina mikkim rongjawa, man·e dange cha·ara,
 Maikai andaljagine, uan bataiengara.
 Rikgitok ga·bingbange, a·a gama bon·gija,
 Chubitchi chiting doke, roa ringo bon·gija.
 Mini mande gitcamrang, skang songdonggiparang.
 Jappa-Jalimpasa, Dura a·ba o·eming.
 A·bri Duramongko, O·a ina dotgimik,
 Ranggira a·brisako, den·a ina chu·gimik.
 Uko a·ba cha·aon, Duramongko o·aon,
 A·ba gamna bang·ana, Ranggirako den·chapon.
 Ma·antiko chimonge, sasantiko tom·dake,
 Nokdang a·ba dakana, jikko jora ra·ake.
 Akkalo bitchi ringa, da·oan panang Durade,
 Kangalo bidak cha·a, uabane Imbade.
 Ranggirani kattade, Duramong nokbichongko,
 A·sa o·ao bangjana, man·chapata nonomo.
 Jappa Jalimpasa, Sukapa Bongepasa,
 Ranga Kera dakako, man·a inna uasa.
- Gilje : Badi gita gameming, biri dotgimikko,
 Bon·atamo abimo, Ranggira a·brikoa ?
- Aje : Jappa Jalimpani, kattako kinajama nonoa,
 Ma·anti sasantiko, jora ra·a inara uara.
 Bilsisa·o gamani, donna gitchi achokko,
 Jamsa gapa Giljene, kinajama jamnokko.

- Unonisa bisongde, ma·anti sakantiko rimbita,
A·ako wenna chiko pan·a, a·gilsak chigilboona.
- Gilje : A·song a·gitchakona, re·gnokmo abimo,
Mamamangko an·chinga, bano sirapgnokmo ?
- Aje : A·song Rong·gitchakona, ada re·angpa·engnok,
Chiga chichalwa·ona, mama sokangpa·engnok.
Hai nono ta·rakbo, adako sirapjawa,
Ja·ku ta·rakalbora, mamako nikrikjawa.
- Gilje : A·song a·gitchakoa, maia minga abimo ?
Chiga chichalwa·koa, maina mancha de·amo ?
- Aje : A·song a·gitchaknide, donga nono kattade,
Abet ja·ku rikana, uno kata napteke.
- Gilje : Skangode Abetko, bimang rongrong nikama ?
Abet ja·ku rikara, mikkang chong·chong man·ama ?
- Aje : Maina nikjaalgine, an·ching gitan dakara,
Chiga chichalwa·on, ua songdonggpa·rara,

MESOKANI - III

- A·song salmichiriko, re·anggenne bisongde,
Chiga Mesot a·dingko, tallanggenne umangde.
Uko badeangmano, uko speangmano,
Nikwatanggen umangde, Duramong nokbichongko.
Duramongni kattako, nokbichongni a·bako,
Tallanggenne bisongde, Bonepa Rang galramko.
- Sadingga : Banonian moanga, Bangga bangbolkoara ?
Bachinaan gom·anga, kri mesengkoara ?
- Radingga : Banona mopagende, soka dipet mopagen,
Bachina gom·anggende, soka dipet gom·anggen.
- Sadingga : Mainasa on·galjok, Bangga bangbol moako,
Mainasa watgalangjok, kri meseng gomako ?
- Radingga : Chirima Badanmasa, Attema Rangbongmasa
gom·angana,
A·ning Bokjarisa, chining Giljarisa moangana.
Watgaljaen moangjok, to·tro ong·atanasa,
Don·galjaen gom·angjok, jagipuatanasa.
Gongani Raksampani, Matgrik rimbitangmiting,
Gongsani Tirepani, Bijare ja·rikaming.

- Ja·kuako wang·ana, Bangga bangbol moako,
 Ki·sangteo chikana, kri meseng gom·ako.
 Unon to·tro ong·eming, moe nio re·jaha
 Una jagipuesa, gom·e nio man·jaha,
 Segipa Asan me·a, a·song songdongkam·aijok,
 Unon Gilsang panteba, a·dok a·king man·rikijok.
 Hai jojong retainok, a·song salmichirina,
 Imbo rotaiaignok, chiga Mesot a·dingna.
 Kesuni dingan salo, Kebongni toan saloa,
 Gro dingchakpa·rana, a·sel nokchakpa·rana.
 Umangni toan, dingan saloan, a·ning a·sak sokbae,
 A·ning a·sak dingana, Misi Saljong toana inake.
- Sadingga : Ra ada rongtale, katta talatsrangpabo,
 Name rongtalsrangjaode, rongtale on·srangpa·bo.
- Radingga : Misi Chameapara, Saljong bola gipia,
 Ma·gironna ineming, jikko re·dilangana.
 Re·sal re·gilangsina, Nio baksa remako,
 Am·bol do·reng ja·sina, Saritangming rong·a·o.
 Krok wa·o donanga, an·tang Kesu gannako,
 Damdil paksikeanga, Kebong ra·bitbarako.
 Nokgipani ja·manchi, giteltangni janggalchi,
 So·sirome cha·ana, weakkole roana mitinchi.
 Am·bol do·reng ja·sina, re·angani sokba·o
 Am·e nio nikjajok, an·tang donanggipako,
 Sing·aha saritango, angni Kesu bachijok ?
 Ianon donangpa·rachim, am·e nio nikjajok,
 Misipani nokkolba, sing·o aganchakjajok,
 Nokgipani am·ba·on, an·tangan kolbitangjok.
- Sadingga : Ua nikatgipara, a·bri simdingipara.
 Maia maia a·biding, a·chu tu·konggipara ?
- Radingga : Jojong u·ipajama, na·ara rongtalku·jama,
 Aiwa nikatgipade, uan Chitmang a·biding.
- Sadingga : Chitmang a·bidingkoa maina mancha de·aming,
 Ang·de rongtalku·jamai, sawa songdongaming ?
- Radingga : Goerani ambitang, Noonggi Noongjabsa,
 A·kingtangni bakniko, seng·kitangchi chookbaa.
 Ilinggi Iilnggap Sekso ma·bitchiba minga,
 Doro dokandi, Okgituma Bolkarumaba channa.
 Simsang chiko songpenge, an·tang a·kingtangko,
 Joksretate Simsangko, Jokmripdapatna chiko.
 Uni olbamitingon, do·gisichangataha,
 Chikolona sokgijan, wala seng·changataha.

- Sadingga Banoniko cho'oke, oibarana uara ?
 Sawa maia minggipa, cho'okenba ra'bara ?
- Radingga : Da'sian aganbaaha, kinajama na'ara,
 Name kinatimpabo, gisik seng'bo jojonga.
 Atchiaha Goera, Rongbang Mahariosa,
 Mitde ong'genchimoba, manden bimangosa.
 Norimbi Dikkimbi ine, Ma'gipako mingana,
 Dumerong Ducherong ine, Pagipako de'ana.
 A'song A'bugrango, Goerako neng'ana.
 Chiga A'selgrango, an'seng baljokana,
 Goerade atchion, wagam warakana,
 Jaktong bilakana, ka'grak ka'sokana,
 Sakchi doe katangjok, atchiani ja'mano,
 Mande jatna aganne, an'tang re'baaniko.
 Mikka dim kimo, Do'de ge'ok ino,
 Anga re'baronggen, ia a'gilsako.
 Goeran ambitang, olbaa ina jojonga
 Goerako sa'duram, sa'tipko dapram ina.
 Ia chit mang A'brio, donga mitde Nokmaba,
 Mahadev ba Shiva ine, mingsingana ukoa.
 Uno songdong a'cha'e, pangnan ja'nengtakpaha,
 Salsao A'chik me'chikko, kimjok Rupe Chupeko.
 Uamangni gronggrikram, meligrikram a'damni,
 Uko kiman rongmano, mingjittajok Parvati.
 Chit mang a'kimbrioan, Shiva aro Parvati,
 Pangnan rorongenga ina, salantian uoan.
 Me'mangni Bugini, ja'nengtakram ian,
 Katchini Chanapani, ka'speram uan.
- Aje : Uko badeangode, uko speangode,
 A'song Balpakramgnok, Chiga Me'mang a'songne.
- Gilje : A'song Balpakramode, Chiga Me'mang songode,
 Namen an'sengbeamo, balwa balnangpa'ane.
 An'ching nikjaanisa, nokking bang'paenggenmo
 Mande agitalgitan, nokrik nokdakenggenmo ?
- Aje : Maina bang'jaalgine, a'gilsakni mandea,
 Sianggipa pilakan, inchin re'batokara.
 An'tangtangko so'ote, sianggipa manderang,
 Rebajana inchide, songdongana Napakon.
- Gilje : Nokma Raja dongengen, songko nokko dilgipa,
 Me'mang a'song gimikko, nirok sandipa'gipa.

Aje : Re·bagipa skanti, bichal ka·soparana,
 Bichal ka·soo, namjaode, watatpil·tokaiana,
 Me·mang Ratapasa, da·nang bichal ka·tima,
 Me·gam Gaeripa Nokma, katta ge·ettimana,
 Balpakram cholgugao, Me·mang Meke dongana,
 Re·bagipa sakanti, gro jesopa·rana.
 Me·mang a·song rama·o, songdongana Do·uang,
 Rama sone nangchape, nokrikana uamang,
 Sianggipa sakanti, Sone bakjaruruko napake,
 Do·uangni a·tila, re·angtoka inake.
 Ma·anti sakantiko, Do·uangde nikrike,
 Aganatpaengana, rimrik salrikpa·china ne,

MESOKANI - IV

A·song an·cheng rachani, kattako bon·angine,
 Gitting Mangru Mangsatna, aganne roangine.
 Na·notang Aje Giljeba, ja·ku watangja·enga,
 A·song chiga napake, katta rongtalangenga.

Gilje : Aiwa nikatgipade, biri a·an dal·ake,
 Nikatama abia, a·bri mikkim rongake.

Aje : Maina a·an dal·jawa, nono kinaku·jama ?
 Da·an panang uara, bitchi buden a·songa.
 Aman Susimemani, a·song nono uade,
 Bitchi Sangkildomani, chiga ina ukode.

Gilje : Namjanamo abimo, Susime daktambede,
 Norikpa Kilikpade, changjanamo uade.

Aje : Da·an, panang Amara, maina namjaalgine,
 Da·an panang Bitchia, bano changjaalgine.
 Chiga gring dilmongko, bitchi buden a·songde,
 A·an biri wetongne, Susimeman chidingde.

Radingga : A·song an·cheng rachako, nikwatjokma jojonga,
 Chiga wari nokdeko, nikwatjokmo Sadingga ?

Sadingga : Gitting Mangrupara, donganama ianon,
 Rani ja·dil su·ara, ja·reama biapon.

Radingga : Ianon ja·dil su·ana, oe kambe gongana,
 Kinajama jojonga, ma·sijama na·ara.
 Rike do·bilbatgija, dal·a ina uade,

ja pang re-wilsokgija, silla ina Gittingde.
 A'an drau a-song ne, de'a ina jojong,
 Chiga dilmong napaka, ua biap gitara,
 Bri rimrimba'on, patal spebaahaon ong-nok,
 A-song dingdang ga-dapjok, chiga dingdangbagnok.
 Gongara chikol baksojok ina,
 Matchara biming mingsojok una.
 Gongga chikol baktima, Matcha biming mingtima.

- Aje : Pring chikgil dikdiko, bakgitchak hinga hinga
 Salla dua durio, me-tra ring-a ring-a.
 Salni onchokangdoe, ganna a-gilwitjokna.
 Sal me'atam song-apo, sokme gijip jipjokna.
- Gilje Iandakanan Susime, mingana ma abimo
 Una inban dakdambe, intokana Ajemo ?
- Aje : Ruragipa Susime, mingtokana ukode,
 Malangipa do-kime, am-o nikja inake.
- Radingga : Gitting mangru-nangsatna, kinajokma jojong,
 Rani Nangsatakoa, u-ijokma Sadingga ?
- Sadingga : Giri ada u'ija, mia a-sel ong-aba,
 Maia dake manchasa, katta ong-chongmotaba ?
- Radingga : Chong-mot katta aganna, jojong knatimbone,
 Anga nang-na talatna, na-ara gisik rakbone.
 Chachura-o mimading, nanga ina jojong,
 Olimmeao kitmadang, minna ina Sadingga.
 Peksachi Tau ringro, nanganane unoan,
 Samsachi kaksi dambe, minanane bipangon.
 Bekma gongding gongdangba, nanga ina ianon,
 Patchal ku-ang biteba, minna ina ja-pangon,
 Taumaba ringroba, ianon olimepara,
 Kaksi tema jingjingba, ianon minana,
 Samsachia nangana, dama sona te-rakrak,
 Paksachia minana, Kimal sona te-satsat.
 Bangsi sona nangana, samsachia ianon,
 Kambe chachura-oa, Gongba sona nangana ianon,
 Mima dangginangba, apsanon chaana,
 Lotta bati nangana, talla kahi bang-ana.
- Sadingga : Da-oba dongkuengama, saoba akangengnnokma ?
 Minsime-en a-mango, ga-ak bon-engginokma ?

- Radingga : Girijokna jojongne, Misi akangman jokna.
Aijokna inode, dongjajokne unoba.
- Sadingga : Gakatangan akama, maldoe an ra ama ?
Gol arekchi doksate, a onikon kolama ?
- Radingga : Kaje roa jojonga, na ara jara daknabe,
U ijaoba bewalsa, dongbo chanchibewale.
Bilsu katti saliko, a wal manchiangasana,
Kari Monagiriko, ga ruruatasana.
- Sadingga : Olna iaienggnokmo, manchigipa Miside,
Kolna bon chakjaenggnokmo, miksonggipa Saljongde.
- Radingga : Uko wal manchigipa, uko wal du kagipa,
Wakkarok wakkimbini, bitipo napa ina.
An tang wal manchiako, gualana uara,
Kati sali satana, katnapana jojonga.




PHOTO - 17-4-1990

TILSI ba TUSI WA·A (KOASI) KONCHIKKOL

Ia wa·a pilak gipin wa·arang baksa apsanja, A·chikrang ia wa·ako Tusi ba Tilsu wa·a ine minga. Pil·e, iandakgipa wa·a pilak biaprango chaja. Je biaprangon Aje aro Gilje abisa Gongbina doke, roe galangachim uandakgipa biaprangosan chaaia. Ua wa·ako. A·chikrang den·malja ba Kal·akmalja ine raken beng·a.

A·chikrangni bebera·ani gitan, je mandean ia wa·ako den·e kal·akgen, ua manderangna dal·a a·selrang ong·bebeaha ine sakiko on·e agananirangba gnang.

MESOKANI - V

- A·song an·cheng rachako, chiga wari nokdeko,
 Re·anggnok umangde, roanggenne bisongde.
 A·songantini kattako, tallanggenne umangde,
 Chiga antini a·bako, bon·anggenne katange.
 A·an ki·tik merangna, re·anggenne birange,
 Sillang do·chi chongchangna, sokanggenne songre·e.
- Aje : Dura mikka simako, nika jakpa kaa gita,
 Simsang guuriako, choa gitchea gita.
 Bilsa pangpilangjokai, kari bikpilangjokne
 Biri bo·rot bo·totsa, nika allangaijokne.
- Gilje : Oh ! dada Radingga, gue Akkaru gita,
 Cha·nakama mamara, chinga den·e ra·angna.
- Aje : Oh ! mama Radingga, Pan ruanku gita,
 Chinga chite ra·angna, sengsobone na·songa.
- Radingga : Cha·ja cha·ja chingade, nono dari takrakne,
 Nija nio nidika, namchik mibisimakne.
 Hai jojong re·bora, ja·ku ta·rakalbora,
 Nono dari takrakan, srapnakjok Sadingga.
- Sadingga : A·song an·cheng racha·o, chiga wari nokdeo,
 Dikdik asongku·namo, on·ti neng·takpa·namo !
- Radingga : An·ma Duara ua, songinma balmoramoa,
 A·song ong·a ina, Bisikkrom dal·gipa.
 Chiga chiringana, Aranding Raja uno,
 Songdong a·charana, Gonasing Nokma ino.
 Misichi an·ti kagiparang, Misio antisni kaana,
 Misi adang Raja, Saljong Sindang a·songo antisa kaa.
- Radingga : A·song An·cheng Rachana, an·ching re·na jojongmo
 Chiga Wari Nokdena, ja·ku jitna nanggenmo ?
 Ian Gitting dangruram, uan Rani dangsatram
 Kinajaengwa na·ade, rongtaljaengwa jojongmo ?
- Sadingga : Gitting dangruramkoa, ada maina mingaba,
 Rani dangsatramkoa, maina mancha de·aba ?
- Radingga : Jojong knatimbone, katta Wari Nokdeni,
 Anga nang·na agana, ma·chong An·cheng Rachani.
 Gitting Ruutbangbangko, Rani tingdilbangbangko,
 Nokkol Norimrong rodila, Rori Nokkimchong ba·riko.

Janggih matchi gogate, ba·a ina Gittingko,
 Pakkre debra stite, rodilana Raniko.
 Diltuachi re·nabe, dede grappa·oba,
 Beng·ataha nokkolko, Gitting Rani ma·gipa.
 Re·angaha nokkolde, beng·ako manigija,
 Galmandini ramchina, chikong Tanoriramna.
 Agana nachil songja, kokkarengkon olja,
 Re·angaha chiongchi, ja·anchinek natpana.
 Donangjok chanchigija, Gitting Rani Chisamo,
 Kni gisi galpana, miksonge re·ango.
 Gitting a·o onnimbe, neba beng·atpa·achim,
 Rani chio donnabe, ine aganpa·rachim.
 Aganako ra·gija, ku·rang knachakgija dakjok
 Gitting tingdilbangbangko, nokkol a·o onatjok.
 Kni gisi galmano, ja·anchinek natmano,
 Gitting ba·ra gatnako, Rani ka·salgatnako.
 Gitting ja·dil dilmongma su·ako, nokkol nikejok,
 Sakchi bijak jakrama, Rani anangjok.
 Ma·gipade donjawa, ba·gipade watjawa,
 Chanchiaha nokkolde, pikok piksalpil·taina.
 Nokkol Norimrong kenjok, Rori nokkimchong sin·jok,
 Ja·pang re·wilwilangjok, kambe rim·e niangjok.
 Iandakmitting somoio, Misi a·ako wenbajok,
 Saljong chiko pan·bae, nokkolko man·ejok.
 Janggi siangaigenne, jama bon·angaigenne,
 Misi-Saljong beng·aha, piksaltaina on·jaha.

Radingga : Ian a·song Arbella, Atchu ambin songdongram,
 Uan chiga Rangdonram, Bonepan ma·chakram.

Sadingga : Bachi maina re·eming, Rangko dona Bonepa,
 Maina ja·ku de·eming, sokbapa·ra inona.

Radingga : Mini mande gitcamrang, agananga kattako,
 Skang atchigiparang, talatanga ma·chongko.
 A·o napnagipade, da·on naptokboaha injok,
 Sako bilnagipade, bildotokbo ge·etjok.
 Aganako man·oba, Misin' ku·rangko man·jae,
 Bebe rajae dongaha, Kalkame gisik nangjae.
 Kalkamede dongchipjok, Saljong ku·rang on·jajok,
 A·song a·tottoreeo, Chiga Chameraguo rochipijok.

MESOKANI - VI

- Mibisan ran·bokana, Misin wal·manchiade,
Ronggirio cha·walja, Saljong wa·ldu ra·ade.
Wakkarok wakkimbeni, tipchalko galjaljala·o,
Nape kataiaijokna, amchakja·e sin·ako.
Kati sali satmano, monagiri badeo,
Tue chakatbapa·o, kawak cha·a innamo.
Jikchi pil·angoara, jikan ang' se injajok,
Dechi re·angpa·oara, dean katsopil·aijok.
Ukon so·ok nanggipa, changnine a·sakde,
Saljong kawak cha·gipa, de·gnine ukode.
- Radingga : Manchigipa Miside, ra·nan man·angsrangjajok,
Miksonggipa Saljongde, kolomna·an niksrangjajok.
Nosiksik (Nosilik) Nomindiksa, kile re·angaijokna,
Noondik Nokandiksa, de·e katangaijokna.
Kena arupachina, gohalini sambaona,
Wakalpake donejok, Muga Maldangpachina.
- Sadingga : Unoniko man·esa, a·jong Kacharirangsa,
Misarina minenga, Mina a·aliesa.
- Gilje : Agre mikkol simsim, badiani bidingmo ?
A·chu andal simsim, maia maia a·brimo ?
- Aje : A·song Gongrang patalke, biri te·sok ja·pangne,
Ta·narot chasingramke, Mianma tuchikramke.
- Gilje : Mikkang rongrong nikama, bimang chongchong
man·ama
Mianma tuchikara, Ta·narot chasingara ?
- Aje : Maina mikkang nikjawa, maikai bimang man·jawa,
Nachil ruanku·ara, grong mikskuara.
Dal·a ruanku' gita, ong·a ina nachilan,
Ro·a grong miksku, dugaa ina ukoan.
Niche Salche ma·bitchi, deko dingdingpa·rana,
De bakgitchakkoa, Gring Changding mingana.
Megru Asalgosa, Menma tusimana,
A·song Darugreosa, ta·narot chasingana.
Segipako mingana, Adinot Santra ine,
Mechik Chase Balmena, tusimana Menmade.
Gro miksikkurio, tuchikana inane,
Nachil ruankuo, bamchakramnane.




PHOTO 17-4-90

AJENI CHIKONG ARO MITANGRAM. (MEMILAM)

Ian Aje, abitungni chikong ong'a. Ia chikong pillak gipin chikongrangna bate dal·bata. Iano mi chakario mi chaa aro minkario mine ga·ake chasongni chasongna tangaha. Buringni do·o matrangba ia chikongni miko nisija. Gipin, Giljeni aro Nokkol-ni chikongrango mi chaja. Bilsil rikitna, je gita bal-roro baldingdingoba, ia chikongni chi tipja aro wachikarioba je gita mikka badrioba suakja ine me·aparang agana. Chiba je gita sal ding·oba ka·sinbea, aro chio maming saloba moila-rang ga·akdapja.

A·songo mikka wajaode, Pa Kedan Nenglang (Mangsang) Sangma, Kamal tuara, ia chikongni sambao Do·bok den·e wachi kritrongaha. Je gita sal rakoba, iano wachi kritode, mikka da·oba wakuenga ine sakiko on·e aganaha. Ia Mitde namen raka aro bebe ra·a gitan ong·aia.

Pil·e, Te Leading D. Sangma, Pa Narendro Sangma Songhama songni kattako agane inaha, Ajeni Chikong sambaoni ro·ongko dotsni kolangenba, Ildek chini Malcheng wario galode mikka, je gita bal sal rakoba, watela. Iako Pa Narendro Sangma bilsil 1988-o dake niaha ine aganaha.

Ajeni chikongko A·chikrang, "Mitangram" ineba minga. Chikongni samtangtango donggipa sam bolrang da·o ka·sine ka·sine gimaangengaha gita nika. Sepang jolni dal·dalbegipa Bolsal aro gimin bolrangko den·e palna a·bachengengaha. Ia bolrang sepang jolo dongjahaode ja·mano ia chikongni chiba tipgen. Ua bol aro wa·aranko chasongni chasongna ripinge dona man·ode namgen.



PHOTO : 17-4-90

GILJENI CHIKONG, (MEMILAM)

Ajeni nogipa Giljeba an·tangna chi ringna aro au miksuna dingtangmancha chikongho kitaha. Ia chikong Ajeni chikongna bate on·tisa chonbata. Chikong je gita balroro baldingdingoba

dal'aba dal-dapja aro tipaba tipja. Chi namen rongtala aro maming moilarangba bolgrim ong'oba ga'akdapja. Ia chikongo bilsio changsa, a'gani mi ge'e chakario skangode mi chaachim aro apsan biapon minkari somoio ga'aktaia. Buringni do'o matrangba ia miko nisija. Chasongni chasongna, mi chae mine ga'ake apsan biapon chataitaia.

Gisepo ia chikongo na tok na chirangkoba nikna man'a indiba darangba rim'ja aro kal'akja maina kal'akmalja.

Wachikarioba je gita mikka badrioba, ia chikong suakja.



NOKKOLNI CHIKONG, (MEMILAM)

Aje aro Gilje abisa an-tangtangni o'gipa mamatangko rik-roro re-roro dakmiting somoio nokkol chakkolkoba rakiachim ine agana. Ua nokkol-ni bimingko darangba agana man'ja. Nokkolna Aje aro Gilje abisa chikong dingtang kite on'aha. Ua nokkol me-chik ia chikongoniko chiko ringa aro au miksuachim. Chikong je gita balrororo baldingdingoba tipja aro namen grika. Aje aro Giljeni chikongna bate chonbata.

Ia biapo, nokkol me-chik dongskaha.

MESOKANI - VII

Saliramchi mikkange, wennakjokai Radingga,
 Biri rimrimbapile, re·nakjokai Sadingga.
 Mokpa Dimpako, nikwatangjok bisongde,
 Re·supa Rebalpako, man·anggnok umangde.
 Aje, Gilje abisa, ja·man rikbaenggipaba,
 Samnatchi Imbanggina, re·baginok bisongba.
 Uko badeangode, uko speangode bisongba,
 Nikwatbagen umangba, Memiram Mitangramna.
 Unonisa da·ona, sakantina patie,
 Janggi tangatpa·enga, ma·antina suale.

Aje : Aiwa ge·a rikamo, ua donga chisamo,
 Nang·ni boli nokmana, awachichim ra·jamo.
 Tuakchike roenga, ina na·a nonoa,
 Ja·chellue re·bara, tol·a me·aparanga.

Gilje Arengma Sandomara, gakatbara ukonma ?
 Gakima Benalmara, re·baa ina uanma ?

Aje Uan jaeming badia, gita nika nonoa,
 Badiani bidingko, tol·banaka Giljea.
 Uno tuakchikako, uno ja·cheluako,
 Mikkim Jakkimasa ina, nikeana Giljemo.
 Anne sina ineming, rawa ra·ana re·ango,
 Nikeana ukoa, re·chim pikna roango.
 Anganba Minma, anganba Ma·anma inaha,
 Okam intilataibo, noknateng jamsirengna.
 Mikasi me·roriko, watatgine inaha,
 Sagre dimbra saksako, on·atgine jeaha.

Gilje : Arengma Sandomara, maina soke gakatja ?
 Gakima Benalmara, soke maina dobaja ?

Aje : Nono kinaku·jama, na·ara rongtalku·jama,
 MINMA gakatako, il·lengako ma·anma.
 A·an pokpekbarana, chian jingjitbarana,
 Ma·anma illengaton, gakatba·on Mianma.
 Una to·tro ong·esa, una jagipuesa,
 Arengma Sandomara, Gakima Benalmara,
 Dama dimdimsoana, Adil reresoana,
 Rimol su·changsoana, do·chi gochangsoana.
 Unoni katangesa, unoni pil·angesa,
 Aiwa bolsil mikchiko, ua ginal Tirana.
 Sinal Jamge a·doko, walsa waltubarana,

- Da·nang bolsil me·chiko, salsa saldongbarana.
A·chik pagitchamrangde, uni salgirikosa,
Jamsireng noknatengo, okam intiltokenga.
- Radingga : A·chik jat ma·chongni, a·bakchat kilkangako,
Jojong kinapa·jokma, man·e cha·gipako ?
- Sadingga : An·ching agangipani, biding ine kinara,
Bonepa Janepasa, man·a ine intoka.
Boldak bolginangkoan, ra·ba ine kinara,
Wa·ge chongginangkoan, choba ine man·soa.
- Radingga : Bigil rikkap rikkapko, Aipa Abingpaan,
Chobarana inenga, Guangpa Ebangpaan.
Ta·wakjana wang·ani, a·se rikamoniko,
Kalsinnemna dapani, delnang buchuoniko.
Gitting dongruaniko, mese wal·ma bal·ba·e,
Rani dangsalaniko, mat tengki ra·ba·e.
Unoniko man·esa, Bonepa Janepara,
Teng·ak tengsinparanana, Rangbildi Rangbildaba.
- Aje : A·song Kalpet bisiko, chiga rong·chok gitokko,
Nono u·ikujama, na·ade rongtalku·jama ?
- Gilje : Mamade Radinggade, a·song Salmechriona,
Sokangjokmo abimo, chiga Mesot a·dingna.
- Aje : A·song Salmechirio, sengsobone dadane,
Chiga Mesot a·dingo, na·mang rosopa·bone.
- Radingga : A·song Salmechrikoa, kinajokma jojongga,
Chiga Mesot a·dingko, rongtaljokma Sadingga ?
- Sadingga : Giri dada kinaja, basak kinapa·gende,
Kattarangkon rongtalja, a·sel maia ong·ane ?
- Radingga : A·song Salmechrikode, chiga a·ding mesokjok,
An·ching agangipajok, da·si golpogipajok.
Kesuni dingan salo, Kebongni toan saloa,
Gro dingchakpa·ana, a·sel nokchakpa·rana.
A·ning a·sak dingoan, Misi Saljong tooan,
Nokko nokchakgipa man·jana, gro chelchakgipa dongjana.
Michriko su·tiktike ua, song·e on·atparana,
Ta·matchi ja·kimilko jakimae, rite on·atparana.
Sal naba a·dingdang, Michri su·tiktikana,
Salmechiri mingana, Mesot a·ding de·ana.
- Radingga : Kesu ra·bitbaako, so·srome cha·ana,
Kebong ganbitbaako, ringop ringbamtokana.

Kambechi Misi-Saljong, Uni gro dingoa,
 A·mango Bisikkrom Mitde, Uni a·sel tooa.
 Uamangkon A·chikrang, A·ning dedrang mingana,
 Uno dakchakgipako, Misi-Sa·derang de·ana.
 Resuche Kalaweko niwate, re·na jojong Tongrengna,
 Nanggilwako nikwate, rona an·ching adasa.
 A·song golde matkolko, nikwatama jojonga,
 Chiga Dongrang Imbangko, niwatamo Sadingga ?

Sadingga : A·song Goldé matkolko, dada maina mingaba,
 Chiga Dongrang Imbangko, maina mancha de·aba ?

Radingga : A·song Dongrang Imbangde, Chiga golde matkolede,
 Bang·a ina kattade, adi donga kamrangde.
 Desuma Pakalmako, Benagong Budalongo,
 Mangonani saloan, Dongrang dokana wakko.
 A·song Golde matkolba, skang me·aparangde,
 Jikna a·kol cho·ana, golde matkol mingane.

Sadingga : Ian a·song Tongrengma, nikatjokai adamo,
 Chima Jambalgrekode, rongtal ma·siatamo ?

Radingga : Gabil Mitde grakkoba, nikatamo jojongmo,
 Dambo-Rongjeng a·songko, rongtale nikgamamo ?
 Ia jakasichiko, nikamata nambate,
 Angni mesokata a·songko, name niatpa·bone.
 Aiwan jajong kadoram, amak ma·ni ja·weram,
 Uan Amak nionram, Rangguma grapsiram.
 Sala napanga·dingdang, Duramong nokbichongko,
 Nikatama jojonga, Ranggira a·bidingko ?

Aje : A·song golde matkolni, a·bidingjok aiwade,
 Chiga Dongrang Imbangni, a·birina Giljene.

Gilje : Mareng adil sikramko, nikatamo abimo,
 Chasinat Salmemangko, Rongtalamo Ajemo ?

Aje : A·song Tongrengma·ona, re·angtaijok adade,
 Chiga Nanggilwa·ona, sokangtaijok mamade.
 Tongrengma Nanggilwa·o, dikdik asongpa·kuna,
 Re·suche Kalaweko, niwatate ropana.

Aje : Ama apa agana, Amak ja·ruweramna,
 Bitchi bude talata, Ranguuri nokpanteramna.



PHOTO : 17-4-90

WERAM ARO RONGJENG - JAMBAL

Weram a·bri Rongjeng-Jambal songni Salgro-Salaramchipak donga. Chengo ia rong·madotni kosako dal·begipa gitting bolma dongachim ine agana. Ua Gitting bolma ja·dil ja·reon·pile a·bri-a·kong ganggope dal·achim. Ua gitting bolma siaha. Ua apsan biapon, Gitting aro Prap bolrang rong·madotni samengo chataiaha, jean namedake dal·kuja.

Weram a·bri namen sillang dare aro a·kong rong·barerara. Chengo ia biapon, A·chik a·songni pilak ma·anti sakantian weranguurina re·batokachim. Aje aro Gilje abisaba, ia Weram a·bri gitan mamatang Radinga aro Sadinggako rikroromiting somoio weangpa·ra ine agana. Weram a·bri nalsaoni nalsaona Uamang weranguurirongachim.

Biaprangko namedake nigenchimode, skang ro·ongni cha·songo saobade songdongna Nangakon ine chanchina man·a.

- Gilje : Amak mikkongdangdangba, ianon atchipa·ana,
Ranggol ki·me gonggildang, unon an·sengpa·ana.
- Aje : Ong·ja nono umangde, ino songdongkam·jane,
Brangba·e re·baesa, Umang sokbapa·rane.
Misini jakrimrasa ina, A·ning mitapsnini,
Saljongni re·dokrasana, a·bachengo umangni.
Da o umang sokbaesa, Amak nokpanteana,
Skangode bisongde, Raja saksa ong·ana.
- Gilje : Indi da·oa bachijok, Amakman Rajara,
Bachi re·angtokpajok, Ranggolman Rania ?
- Aje : Banoniko nikuna, Amakman Rajako,
Sie bon·angtokjokna, Ranggolman Rani uno.

MESOKANI - VIII

- A·song weram a·briko, re·anggenne umangde,
Weramo wegipako, nikanggenne bisongde.
A·song weram birio, walsa waltuanggenne,
Chigat do·kol a·dingo, salsa saldonganggenne.
Uko badeangode, bri speangode,
Gitchuma Garumachi, wenanggenne umangde.
Kari nogol kitramko, re·anggenne umangde,
Durani na·ki jilramko, napakanggen bisongde.
- Sadingga : A·song Jambalgrekoa, ada maina mingaba,
Chiga Jambalgrekoa, maina mancha de·aba ?
- Radingga : Rongjeng Jambalgrenide, donga jojong kattade,
Anga nang·na talatna, name knatimbone.
Asiko matcha chika, ina jojong ianon,
Maljako Buga ra·a, ia a·song chiga·on.
Asiko matcha chikana, Maljako Buga ra·ana,
A·song gro nangana, gamna kene katana,
Gro gamna keneming, Nokgimikan katanga,
Asi Malja jikgipa, sakgnian re·anga.
Mi jam balgimikko, moe olle kattangjok,
Moe olle re·angon, Jambal mingrikskajok.
- Sadingga : Asini jikgipako, maia biming mingamo,
Maljani jikgipako, maia mancha de·amo ?
- Radingga : Aiao ! jojong na·ara, agre pil·e sing·amo,
Anga name talatna, agan knatimrikbo.
Asini jikgipako, Aru-Jamge mingana,

Maljani jikgipako, Norik-Nobam de'eana.
 Nokrek Medan a'brio, Mitde Mebit songdonga,
 Mitam me'aparanga, Rokkime biming minga,
 A'chik a'songona, gatat gadogipako,
 Rokkime biming de'a, Mini ma'gipako.
 Unbaksa re'bagipa, Na'anma Na'sanmako,
 Dorime biming dona, pagitchamrang uko.

Gilje : Unon napsik naptine, katanama Abeta ?
 Unon naptine bamtine, donganama Ranggea ?

Aje : Maina indakpa-jawa, katon man'chakpa-jajok,
 Maina katnappa-jana, re'on sokchakpa-jajok,
 A'o napakoara, a'oniko cho'ana,
 Grimo napakoara, grimoniko mikana,
 Bolo napakobani, boloniko puana,
 Ro'ongoniko mikana, katparana Abetba,
 A'song a'gitchakoan, asok ra'e chakana,
 Chiga chichalwa'oniko, gol'ok ra'e su-roka,
 Abet ja'pa bokbok, Ranggeba sko simsim ina,
 Susime gro jeaha, umang bobil dingana.
 Durako sko simsim, songduko ja'pa bokbok,
 Nikrikaijok inaming, da'nang bobil dingeming.
 A'gitchako napteke, katakoa mikana,
 Chichalwa'o bamtine, napako'an man'ana.
 Susimea beng'jok ina, umang gro dingana,
 Chibisikna nitojawa, rong'jamdapna krajawa.
 Sako Dura Ambimong mingkuna,
 Sako Mongri A'chura donkuna,
 Sakosa Ama Bokjarima mingkuna,
 Sakosa Ambi Dimjarima donkuna,
 Katchi a'ning, Do'ka gisimko,
 Gro jeate kamal re'atesa uko.
 Dingrikako dondike, chagrikako watgale,
 Mamasa namchiksa, gro bon'pilgenne.
 Unosa Norea Chirea, mipal gatpila ina,
 Rusina Kalsinaho, rimgatpila chite gatpilana.
 Uko so'mik su-roke, bobil dinganisa,
 Aganenga manderang, gam'tokenga chasongna.
 A'an a'gitchakrangrang, donga jokna inake,
 Chian chichal ba'rangrang, dakaijokna inane.
 Unonisa A'chik pagitchamranga, krita'o, mitde,
 Sonesamo kimindamo, a'tila'o songtingrine,

- Do·bok den·kuenga, den·bilsienğa ina,
 Jekon a·tila amua, ine mingkuenga.
- Gilje : Giting man·a inama, gisian ra·anganama ?
 Sangmara Terepara, Ranjara Chongdingpara ?
- Aje : Gitding man·en asokko, ripe chorebarana,
 Songni nokni sarao, da·nang donepa·rana.
 Abetko man·jok manjok ine, ua kusi ong·ana,
 Songni nokni mandeba, nikrimtokpaengana.
 Degnangba ganggilwak, deko ba·ra stite,
 Okginangba okrongret, okko jasipittoke.
 Asok mikol mikkolko, da·nang jakchi su·roke,
 Ka·dingtokpaengana, Abetko jatchi done.
 Unomiting chacha·o, Misi Chameapaba,
 Nikepa·jok uaba, Saljong bola gipiba.
 Maikosa nikrimtoka, ine sing·atparana ?
 Maiko dongdultoka, ine talatpa·rana ?
 Sangmaba Terepasa, Abetko man·jok man·jok,
 Aganaha bisongba, Ranggeko nikjok nikjok.
 Sing·pilaha Misiba, da·nang Sangma Okbeto,
 Aganaha uaba, da·nang Chongdingpa tom·beto.
 Sangmaba Terepaba, janggikon so·otgen,
 Ranjaba Chongdingpaba, jamakon kimitgen.
 Misi aganpil·aha, ina na·a nonoa,
 Saljong ku·rang on·aha, ina beng·e Giljea.
 Jamako nisinabe, beng·jok ina Saljonga,
 Janggiko so·otnabe, ine champengpa·rana.
 Sako Abet inkuna, chibisik andaljawaha,
 Maiko Rangge chankugen, Rong·jamdap mitmatjawa.
 Abetba oe inbo, Ranggeba bebe chanbo,
 An·chi kimil mangmangna, dabi toboktokaibo.
 Uandakesa da·oba, mande agitalranga,
 Boltottru Sanepako, Rang daktokengana.
 Me·gako dama dake, re·gatchi a·sim channa,
 Bre ritangtokenga, an·chi kimil on·enga.
 Amikkani janggini, gok dokkokbajoko,
 Gitcam gipurangkoan, anga bikotbajokmo.
 Ine togi tomoke, do·bisa matchu channe,
 Kusi ong·e ra·chake, Abetba bebera·e.
- Gilje : Man·a nama abia, Abetko togiara ?
 Mitdekoba indake, togina man·anama ?
- Aje : Simuchok biri chane, setire bisep chane,
 Airi ritangangana, maina namjaalgine.

Re·gongko adil dake, sike toi·a Abetko,
Asokko kram channe, dakmesoka Ranggeko.

- Gilje : Ong·gipaba Abetba, ong·e albebejokma ?
Achi pagitchamrangba, tole rona man·ama ?
Hai nono re·tainok, golpo matchotman·ode,
Gitsuma re·patmana, rotaiginok re·taie.
Weramo wegipara, badioo chaanade ?
Nikenggenmo mamade, Radingga adasade ?
- Aje : Nono kinakujama, nang·na aganku·jane,
Da·oba nikpaku·jama, aiwa nikatgipanke.
Jinma weranggurio, mai dake roenggen,
Sangma do·bak manchia, maidake rongenggen.
- Gilje : Hai abi Ajea, jinma werang guuria,
An·ching wee nipana, changgnima changjama ?
- Aje : Bagila an·sengea ma·anti, sakantia weramo,
Wetokade ekila, chubandara a·songo.
A·song an·senganasa, wea gita nikama ?
Chiga baljokanasa, do·bak manchiasama ?
- Gilje : Biming mai minggipa, werang gurichengana,
Chatchi badi de·gipa, dokbak manchichengana.
- Aje : Werang guriako, da·oba nikujamasa,
Do·bak manchianiko, Gilje rongtalku·jama.
Werang gurigipade, do·bak manchigiparang ina,
Tauma Badanmasa attam, roangarisa weranggurieana.
Segipa biri rikim, Pakoa sima rikuim,
A·ba tuatasana, tekong dokatasana.
Ang se bri rikimde, me·gapna a·ba tuana,
Apa Sima dingkingde, kilgongna tekong doka.
- Gilje : Sana werangurie, senoktangko, galpila,
San baksa roeming, panoktangko jegalla ?
- Aje : Ganggua Chidualni, jonggipana mikcha·e,
Segipako galana, ba·rimana namnike.
Jambal chotchi chidingko, koda dasil ra·para,
Chima chikongtikko sate, na·ek na·sal cha·para
Na·ek na·sal man·aba mangdok,,
Minil chidek ra·aba kokdok.
Sillang do·kol puaba koldok,

Chipurangba dal·dala mangdok,
Prap ja·reonaba dildok ina uanon,
Wegiparang wepara, sakdok ina salprakon.

MESOKANI - IX

- A·song te·sok ja·pangko, nikwatanggen bisongde,
Chiga Gongrang patalko, nikpakanggen umangde.
Uko badeangode, a·song speangode uko,
Mao bijak kongtokko, Huro mikkang gipokko.
A·song sing·roroange, chiga taloroange,
Re·angenga bisongde, rikangenga Giljede.
Uko spebamano, bri rimrimbamano,
Chi achak dandirakko, dachigong mitilongko.
A·song Nongrengrengkosa, batanggenne Ajede,
Chiga Nengchibingkosa, re·angenne umangde.
- Sadingga : Ua nikatgipara maia, mia a·songmo ?
An·ching re·pakgipara, maia mancha chigamo ?
- Radingga : Jojong knatimbone, anga nang·na aganna,
Aiwa nikatenggipan, Gongrang patal simdima.
Sekbaa ina ianona, Marak gaora makal chindora,
Matchaduni jikko, Wanga wanga dudu chompa ina.
Sekbaenba sokbajok, Nire-Sanje me·chikko,
Marak ma·nok cha·angjok, Samin Gongrang me·chiko.
Marak seke katako, Nire-Sanje gipinchi,
Jokataha Matchadun jakko, Sekso ma·bitchi.
Donga ina ianon, Mao bijak kongtokba,
Kusi ong·e dongpara, Huro mikkang gipokba.
- Sadingga : Da·nang srapjaenba, Matchadude pantede,
Jiktang Nire-Sanjena, bon·aienggnok sintie.
- Radingga : A·song Nongrengrengona, da·ode an·ching sokbajok,
Chiga Nongchibingona, a·bakuko man·taijok.
Segipako Nongrengreng, minganane jojongne,
Jikgipako Nongchibing, de·anane umangde.
- Sadingga : Bekma Tau ringroa, sawa mancha man·anga ?
Nanga kaksi dambeko, maia minga ra·anga ?
- Radingga : Kati sali satmano, monagiri badeo,
Kasi a·chang sikmile, me·a gantong balpako,

- Sadingga : Chia man·pakangengnok, banona·an sokangnok,
Kolamgipa dongjaode, da·nang gimapa·ainok.
- Radingga : Maina gimapa·gene, bekgitok garengbalo,
Gilnok donman·oa, nika chongge chita·o
- Sadingga : Sawa gilnok donsoa, chiring bekgitokoa ?
Saming chongge chitasa, bima garengbaloa ?
- Radingga : Jane me·a minggipa, jabal pante de·gipa ina,
Sangreng a·ning kaana, Rompa chining donana.
Unoniko man·esa, A·chikrangna Rauma tikana,
Misi patiangana, Baminara Tauma.
- Sadingga : Agan ku·patiang, Misi bachi re·angjok,
A·gilsak chigilboona, badi gita sokangjok ?
- Radingga : Jojong knatimbone, anga nang·na aganna,
Na·ara nachil songbone, pil·e nang·na talatna.
Ikgil ga·jepjepramko, kasi sokme charamko,
Samek pura witramko, ga·dindine re·bara mri didiko.
Uko badeangmano, bri rimrim baahaon,
A·song mitdechak gita, chiga salaramchin.
A·an gitok jangramko, chian bisik sikramna soknok,
Umang wenangpa·enba, da·nang jajokangjok.
Huro mikking gipoko, dingdingramko,
Lau kongtok bijakni, ritimramko.
A·song Rau okningko, chiga tangtimeko,
A·o ste dapdape, a·proko pindape uno.
Danil matgil natramko, nikpakgine umangde,
Dikgil atte dokramko, umang najokbagine.
Ajopana diltue rapbo, ine aganbajok,
Jobepana tiltoe dinna, ku·sikibajok.

MESOKANI - X

- Te·gitu awangramko, nikwatanggen Ajeba,
Roanggine Giljede, Ianawe rong·kramkoba.
Uko badeangode, uko speangode a·songko,
Gringrang jadokrako, Anoma mikkongdangko.
Uko badeangmano, pil·e sipeangtaie uko,
Re·anggene bisongde, Te·matchi ponggroko.
- Gilje : Aiwa nikatgipara, a·bri dal·dalggipara maichim,
Badiani a·biding, abi aganpa·bora de chang.

- Aje : Aiao ! nono na·ade, a·song sing·roroake,
 Namjanane uade, Wal·angja chidorengde.
 A·song sing·roroanian, Misin jikba siane,
 Wal·angja Chidorengde, ku·namjana Giljene.
- Gilje : Wal·angja chidorengde, ku·namjana inode,
 Re·pak songnappa·naba, pa·jawamo ukode ?
- Aje : Ku·namjana aganna, a·song songbirangana,
 Namjaanan Durara, cha·a rikatasana.
 Ukon Durani sa·gre, inanane nonone,
 Jinma inban sakimbal, intokane Giljene.
- Gilje : Achak karang cha·ako, watjanamo abimo ?
 Donmanjana Wal·angde, Do·do mikte nangako.
- Aje : Attamo an·chi jekjek, pringo gitting binek,
 Cha·a ina wal·angde, donja ina uade.
- Sadingga : Ua nikatgipara, silang dokdek simdima,
 Maia maia a·biding, Rong·ma chokdenggipara ?
- Radingga : Jojong ma·sipajama, na·ara rongtalku·jama,
 Chengo mingsing minggama, Radu chubandakoa.
 Ua a·song chigako bate, Gakme tusiramko re·e,
 Dilme niwatramko choe, sokgen Do·reng nokpante.
- Sadingga : Ua a·bidingkoa, maina mancha de·aming,
 Angade u·ipajamai, sawa mancha dongaming ?
- Radingga : Uno songdong a·chagipade, Gakme Dilme songdonga,
 A·gilsako pilaknan, bimang dal·batgipasa.
 A·songsni mandeko, changsa cha·pakaiana,
 Mongma mangsnikode, ku·sa minokaiana.
- Sadingga : Badi dal·engnokmo, uni be·en bimangde,
 Mongma mangsnikode, changsa cha·pakaiode ?
- Radingga : Gakme Dilme dangroa, a·doksni roana,
 Salsnini rama·on, rang·sitako knara.
 Goerasa pantesa, ka·sachake mandena,
 Silgasak rangkambeo, tate goe galana.
 Uko Badeangode, uko speangode,
 A·song chiga gipinko, anching songrebatnane.
- Radingga : Ildek chini jorako, re·na nanggan jojongne,
 Gringrang ja·dokrako, an·ching napna nangganne.

- Sadingga : Gringrang ja·dokrako, ada maina mingaba ?
Anoma mikkongdangko, maina mancha de·aba ?
- Radingga : Anoma mikkongdangni, donga jojong bichongde,
Gringrang ja·dokrani, donganakan kattade.
A·chik pagitchamrangan, game cha·giparangan,
Da·ona king aganne, rotokaienga uakon.
A·song gringrangon, chiga ja·dokra·on,
Anomako cha·ana, mikkong dangdang roanan.
- Sadingga : Gringrango ja·gengwang, mikkong dangdang Anoma,
Saming a·song songdonga, sawa chiga chiringa ?
- Radingga : Matcha Mutmetsa, Gringrango roana,
Mande Killi Rangriming, a·jak rime roana.
- Sadingga : Noko a·jak rimama, a·ako samirimama ?
Maiko a·jak rimesa, re·angtoka bisonga ?
- Radingga : Pakramma Gilsangmasa, a·jak rima inake,
Kirong dudumako, sol·atana inake.
Chekreng dareoniko, Jambal Mitdeoniko sala ina,
Sol·a ina ukoa, Te·gitu awangramna.
Pil·e mittam aganna, Krong dudumako sol·ana,
Mongri birioniko, Sampe a·dingoniko repana.
Biria Mongri ina, Bolara Sampe ina,
Nokkol mande bakrime, sala ina Sadingga.
Mande matcha brine, sala ina ukoan,
Gitel nokkol ku·monge, sol·a ina unoan.
Chekreng dareoniko, Jambal Mitdeoniko sol·a,
Te·gitu awangramna, salbarana umangsa.
Mande Killi Kangrina, salo mesal song·ana,
Matcha mutmetnara, Anomako on·ana,
Uno dongmitingon, Anomako cha·ana.
Ino romittingon, ja·gengwangwang roana,
A·na sakna kengija, jajrenggija dongana.
Ma·gipako Dere·chere, minga ina Sadingga.
Pagipako Jongat-Tojong, de·a ina jojonga.
Chratangko mingana, Jingam-Mantang,
Depanteko mingana, Kuri-Najang.




PHOTO : 17-4-90

ILDEK CHIBIMA ARO AURAM (BADAKA)

Aje aro Gilje abisa ia Ildek chini dareo gana an'sre gri auronga ine agana. Iarang aganritingmangmangaiasanma ba kakket ong'ama darangba tik u'ina man'ja. Indiba, Badaka songni me'apa saksa, agana, chong'mot aro kakket ong'ako nina skode April jani 16th tarik pringo (Bihu-ni somoi), pringwalni miksugija re'bae time niode da'onaba Mitde me'chikrangni gana an'sre gri auako nikna man'enga ine agana.

Ildek chibima a'jol gimikan Mitde manderangni roram biaprara ong'a. Ia biaprang namen mitde raka aro ramram re'na dona man'ja. A'jongrang Ildek chiko Deo-silla (Chi·Mitde) chiona dobae, Na'ka chikong sepangjolo aro ia warioba panggan manironga aro Mitde Kritronga.

Ia Wari tin'dik dakgipa aro Dare-o Aje aro Gilje abisa panggan gana an'sre gri auronga ine agana.

MESOKANI - XI

- A·song Te·matchikoan, nikwatangjok bisongde,
Chiga Ponggrokoan, re·anggenne umangde.
Asro wa·kantako, bon·anggenne bisongde,
Wa·kanta balikrako, talanggenne umangde.
Uko badeangmano, uko speangmano chigako,
Reanggenne bisongde, Anang A·dilkangko.
- Aje : Ada rong·gatakonchim, a·song a·bimanduo,
Mama nisoakonchim, chiga a·song kualo.
- Gilje : Re·angjokma adara, a·song Te·matchiona,
Katsojokma mamara, chiga ponggroona.
Ia jakasichia, abi maia a·biding ?
Mikkim rongbatgipara, badiani chibiding ?
- Aje : Nono u·ikujama, a·song Suundisake,
Na·de kinaku·jama, chiga jengjenggisane,
Medi a·kawesake, Rong·bang chidimmitsake,
Kinajama nonode, rongtaljama Giljede.
Suundi nokgil on·e, roa ina Totmari,
Papira chikong kite, songdongana Kingmari.
Totmari Kingmarini, a·song ina uade,
Meseki Majanpani, chiding ina uchide.
- Gilje : Uno songdongchenga·on, uno a·chachenga·on,
Totmaria mingana, Kingmaria de·ama ?
- Aje : Nono u·ikujama, na·ade kinaku·jama,
Anga aganatnane, name kinatimbone na·a.
- Radingga : Uan a·song Asro, uan chiga wa·kanta,
Jojong knatimbone, anga aganatpana.
- Sadingga : Katta maia dakana, minga Asrokoara ?
Chong·mot a·sel maiana, minga ada ukoa ?
- Radingga : Wa·kantako pangsako, ge·a ina uanon,
Kilbolmako bolsako, dapa ina ianon.
- Sadingga : Biming mai minggipa, ge·a ina ukoa ?
Chatchi badi de·gipa, dapa ina unoa ?
- Radingga : A·ning Gring Tangjangsa, ge·a ina ukoa,
Chining abong Te·sangsa, dapanake unoa.
A·ning mitapchiniko, Bikot me·a ra·ea,
Chining srangchiniko, Bengot pante de·bara.
Te·matchiko pangsako, ge·anane jojongne,
Kilbolmako bolsako, dapa ina unode.

MESOKANI - XII

- Kilbolmani kattako, bon·anggenne umangge,
 Wa·kantani pangsani, chaako agangenne uade.
 Kilkra kilteteko, pe·ako agangenne,
 Kilbone Kiljaneko, den·ako janapgenne.
- Aje : Silchi mikkang nikuja, dare bimang man·kuja,
 Silchi akkaruaienga, dare me·gimuaienga.
 Maari du·dokrao, aro suedil manggirako,
 Rong·ma dareng dakachi, pe·anamo Giljemo ?
 Uko nikdikgipara, ai gipok me·ana,
 Uko nikpagipara, A·ki changtok pantena,
 Sio rongdik dondilna, angko kawa kabora,
 Ta·ma noksik pakdilna, angko jora ra·bora,
 Uko jora ra·osa, uko kawa kimoso,
 Maari du·dokrako, tinruraana unosa.
- Sadingga : Kilkra kiltetea, dal·anama adara ?
 Kilbone kiljanea, nanganama uara ?
- Radingga : Maina dal·jaalgine, kilkra kiltetea,
 Nangen bite ga·ake, gokboka balbalara.
 Kilni biming Kilrere, minga ina ukoa,
 Kiltaki Kilbone ine, de·a ina ukoa.
 Kiltaki Kiljaneba, pil·e minga ina,
 Bokboka balballaba, de·sing de·gama.
- Sadingga : Biming maia minggipa, man·a ina ukoa,
 Chatchi badi de·gipa, aka ina Radingga.
- Radingga : Pinna ino gipgipa, Gongasa Raksampasa,
 De·o salna sokgipa, Turisa mamasasa.
 Mama ja·ku rikenba, Tapua minjotako,
 Nika ina uasa, Kilbone Kiljaneko.
 Matgriksa mangsasa, Matma matdambegita,
 Achakja mattija ine, minga ina bimingde,
 Matgrik biare inesa, de·a ina ukode.
- Gilje : Game cha·kamengama, Ai gipok me·ara ?
 Rike dongkamengama, A·ki changtok pantea ?
- Aje : Bano game cha·gende, re·a a·ning mitapchi,
 Bano rike tugende, sia a·ning srangchi.
- Gilje : Cha·chatma Mongjinmana, rea·namo abimo,
 Agru dongkreng chigana, biara roanamo ?

Ma·gipako mingana, Misalli Singsali,
Segipako de·ana, Ai Gipok-A·ki changtok.

Aje : Una inban re·ange, sia ina nonoa,
Sillang silchi sikchange, man·jahana re·bana.
Chengon aganangana, pak patiangana,
Gongjapangoniko am·bo, ine aganangana.
A·song Salaramchiko, jri berokaoniko,
Totmari kingmarisa, man·a ina uako.
Bri berokaoniko, kondila·o kebite,
Pakram ja·o kengana, dokra bi·sao ra·bite.
Unon Misi me·apa, a·ako wengbaengana,
Unon Saljong budepa, chiko kon·taengana.
Kondila o keako, Totmari cha·chat so·on,
Misi miko nangana, Kingmari so·dimaton.
Unon ka·mitchaenba, unon tonam nikenba,
Misi patiangana, Meseki Majampana.
A·chik pagitchamrangde, game cha·giparangde,
Cha·chat so·dimakana, da·onaking umangde.
Totmari kingmarisa, chatchi dake donkamjok,
Meseki majampako, biming dake mingkamjok.
Suedil nanggirako, rong·ma dareng dakachi,
Ine chatchi de·ana, totanasa Totmari.

MESOKANI - XIII

Achi Aje Giljeba, sirapnaka sirapja,
Rikbaenga bisongde, niksonaka niksoja.
A·song Te·matchioan, sirapgenne changsade,
Chiga Pongroon, man·egenne pil·sade.
A·songanti golpoe, re·angenga umangde,
Chigaanti rongtale, roaenga Giljede.

Radingga : Ja·pang re·wilsokgija, dal·a ina Kilbolma,
Chua ina uade, rike do·bilbatgija.

Sadingga : Basik bilsi supee, be·atjokai uara,
Maia dake pe·enba wilatjokai Gongara ?

Radingga : Bilsi sni wang·enba, be·atana jojonga,
Kari sni supee, wilatana Sadingga,
A·song Salaramchiko, silchi dikritgipako,
Rimeana Me·gamko, rua wagatgipako.

Sadingga : Me·gam mai minggipa, rua wagatchengasai ?
Dikgil badi de·gipa, atte de·bachengabai ?

Radingga : Badak budepakosa, rimeana jojonga,
 Jodak me·apakosa, man·barana bisonga,
 Gongsa Terepasa, atte de·barana,
 Gongsa Raksampasa, rua wagatbarana.
 Gongana raksampana, Atte de·baranasa,
 Badakni Budepani, a·tip rikchenganasa.
 Songni Biming Badaka, ine mingkamjolana,
 A·chik pagitchamranga, biming donkamjolana.

MESOKANI - XIV

- A·chik pagitchamrangni, game cha·chenggipani,
 Itihassa iade, Miko man·chenggipani.
 Memilram Mitangramo, rong·gatgine umangde,
 A·song a·bimanduo, nisogenne bisongde,
 Saria Puriako, nikwatangjok pangsangsang,
 Dimua pangsiako, niwatangjok gongriting.
- Aje : Oh ! dada Radingga, Gongba sona doknama,
 Walming Salming ja·riko, changsa nipiljajokma ?
- Radingga : Oh ! jojong Sadingga, nono dari takrakde,
 Sirapnakjok an·chingko, ku·rang kinasojokne.
- Aje : Na·song Gongba sonako, doknakode angone,
 Ku·rang kinanakode, chinga dokatainane.
 Gong gegong bil·ikgong, Apajongni wa·gechong,
 Adako Radinggako, rongna anga man·ode goserong.
- Sadingga : Nono sirapnakjokai, niwatsona rong·gatna,
 Ku·rang kinasoenga, ada nisopa·bora.
 Aiwakaiwa nonoa, Gongba mesokatenga,
 Hai jojong ta·rakbo, sirapnasiengaha.
- Aje : Nono niatpa·bora, Radingga, Sadinggade,
 Da·osa re·angtaienga, uamang adasade.
- Gilje : Indi ja·rikbaoba, ka·sajama an·chingna,
 Buring bolgrim diltua kenchakjama umanga ?
- Radingga : Oh ! jojong Sadingga, na·ara bako re·naka ?
- Sadingga : Ada nang·ni re·akon, ang·ba re·paainaka.
- Radingga : Wal·angja chidorengko, niwatesa re·gine,
 Re·suche kalaweko, nikwatesa roginne.
 Asro a·bri wa·kanta, an·ching re·na nanggine,
 Te·matchi pongroko, jojong batna nanggine.

Sadingga : A·song Wal·angjako, maina mancha mingaba,
Chiga Chidorengara, katta maia dongaba ?

Radingga : A·song Wal·angjanide, namja jojong kattade,
Chiga Chidorengnide, mingnampaja inane.
Jojong knatimbone, anga nang·na talatna,
Katta maia chong·motchim, jojong nang·na talatna.
Ku·kengnane jojongne, Wal·angja Chidorengde,
Maming mingsa donmanja, Cha·aiana uade.
Anang depantekoba, Dilkang ba·gipakoba,
Wal·ang cha·minokana, Duran chawarekoba.
A·song Dimbilbirina, anti Palwang a·dingna,
Girongana uamang, golpoana atmana.
Ruut tingdilbangbangba, Rebang bandikjangjangba,
Grongaha atma·o, Bokring Baling panteba.
Angna mikchapa·rama, na·ara namnikpaama,
An·ching do·ra do·sina, umang wal·manchiaha.
Sara a·timboriko, re·paknabe inachim,
Sone bakjaruruko, ropaknabe beng·achim.
Ruut tingdilbangbanga, a·kongkongko re·babo,
Agane mol·molaha, a·rimrimko dobabo.
Ruut Rebang manchijok, songrepana Durachi,
Da·nang Baling panteba, jora kusi ong·pana.
Okbong Jada panteba, boning bachi re·asa injok,
Wakki Waknel panteba, mosa maiko am·naka sing·jok.
Dikdik neng·takpa·kubo, umang mo·lmolpaaha,
On·ti asongangkubo, te·sa cheka ringangbo beng·aha.
Bokring Baling pante·ba, chanchiaha gisiko,
Dikdik asongpa·kuna, ku·mongaha jiktangko.
Achak karang cha·ako, mangsa so·e on·atjok,
Chua menil bitchiko, diksa cheke kanatjok.
Ka·sirako otrikjok, da·nang Baling panteko,
Bibangsiko cha·rikjok, Bokring Baling me·ako.
Indake cha·rikaha, Wal·angja Chidorengde,
Durani a·rikgimin, nokkolrangsa umangde.
Pringo an·chi jekjeksa, cha·a ina Wal·angja,
Attamo be·en bineknek, nalana Chidorengsa.
Durani sa·grechim ina, skangode uara,
Do·o mikte ong·ako, donmanjana a·rika.
Una brangba·esa, sokbaa ina ukoa,
Gipin a·song nokchakjae, songdongana unoa.

- Sadingga : Hai dada re·tainok, jawan a·song chigana,
 Birangtaie nitainok, dingtang a·bidingona.
- Radingga : Jojong an·ching re·nane, Mareng Adil sikramna,
 Bobil nichaksoenba, Adil sikram chigana.



PHOTO 27-4-90

RONG·GATRAM (KONCHIKKOL)

Radingga aro Sadingga adasa, Aje aro Gilje abisako rong-gate nisoaha. Ia rong-gatgipa biap Tilsa a·brio aro Memilam A·brio donga.

Ia Tilsa a·bri Konchikkol songni saliramchipak donga. Radingga aro Sadingga, an·tangtangni nogipa namchiktang-rangni rikbaa sokbaon, ia biaponi jite katangtaiaha.

MESOKANI - XV

- Uko badeangode, Sokchuan Meruanko,
 Re·angenna bisongde, Anang Adilkangko.
 Abetni nappakramkon, re·angenne umangde,
 Misini songgitchamko, doangenne bisongde.
 Dama boltong dotsako, re·pakanggen bisongde,
 Rong·chi spong chiringko, ga·batanggen re·ange.
 Kosako rong·chi spong, donga ine agana,
 Ka·mao Na·ka chikong, na·ka bang·a intoka.
 Wa·ramjako niwate, re·anggene bisongde,
 Rong·jangkeko niwate, roanggenne umangde.
- Radingga : Wang·aio be·jana, Misi ku·patiana,
 Pe·aio wiljana, Saljong ku·raronana.
 Kambe sikmilchinara, Balwako besa kajok,
 Ja·pang tinwilwilchina, kinmako ginal kajok.
 Am·bengma Gilsengmachi, be·angana jojonga,
 Gitchuma rebalmachi, wilangana uara.
 Rikangjokna Gongade, Kilbolmani be·ako,
 Pil·jok tingka su·ako nike, am·bengma Gisilmako.
 Ku·patie donbajok, Gongga ma·nok cha·e,
 Ganna re·king ganbone, matchu jengo gatbone ine.
 Uko ja·ku rikangon, srek riksoengjokna,
 Uko jama sanangon, ake donsoengjokna.
- Sadingga : Gongaba Raksampaba, rikangama kilkora ?
 Mamasa sakgitaman, sokangama unona ?
- Radingga : Sokangen Am·bengo, ma·nok cha·e roea,
 Re·angen Gongaba, nogipako galbara.
 Misi ku·patiana, Saljong ku·sikiaha,
 Sillang silchi siknakjok, a·an rai kanakjok.
 A·an napnagipara napbojok,
 Chio bamnagipara bambojok.
 Sako bilnagipara bilbone injok,
 Chini bisil kanakao, a·an mangsil kanakao ku·pejok.
 Ma·an a·songtangona, katangjok Gongga Raksampade,
 An·tang namchiktangkode, Miksim Banggakode.
 Sabisi sakanchi man·ana, galangjok,
 Jo·ong guk cha·ana, wate donangjok.
 Re·angnasiahaon, Gongga ku·patiangjok unan,
 Noti kam ka·bone, ja·ping pal atbone ianon.
 Sokme dokan atbone, chasong dongrikbojokne,

- Rua Ildangpachi, Kena Illingpachi galbajok ukode.
 A·jong Kachariranga, kering bolko rikana,
 A·ako a·ba cha·jana, bolchu bolko solana.
 Anti dimtribrio, Baminko manchiate,
 Re·angaha Gongaba, Sojonko wal·du kae.
 Kilko jako man·esa, a·ga a·ba cha·ana,
 Baminja Sojonjara, namen kusi ong·jokna.
 Unoniko man·esa, gando ki·pil potana,
 A·chik pagitchamranga, kotip ja·te chinana.
 Hai jojong katainok, a·song do·chi so·ramna,
 An·ching re·taiaignok, Anang wa·ko anramna.
- Aje : Ian a·song Anangjok, kinajokma nonoa,
 Uan chiga Adilkang, rongtaljokma Giljea.
- Gilje : A·song Anangkoara, abi maina mingaba ?
 Chiga Adilkangkoa, maina mancha de·aba ?
- Aje : Anangpani kattade, donga adi gitade,
 Dilkangpani a·bade, bang·anakan bewalde.
 Jikgiteko sekani, Mokpa Dimpasa,
 Katbarana nonoa, Kinajama Giljea.
- Sadingga : A·song Do·chi so·ramko, ada maina mingaba,
 Chiga wa·ramjako, sawa wa·ko anaba ?
- Radingga : Songdongpana inenba, wa·ko ko·sa anana,
 A·chapana inenba, Do·chi rongsa so·ana.
- Sadingga : Skang bano songdonga, songgitalko am·bara,
 Bano a·chapa·esa, a·gitalko sandibaa ?
- Radingga : Anangpa Dilkangpade, songdongana uanon,
 Re·chupa Re·balpade, a·charana chengonin.
- Sadingga : Biming maia mingaba, Anangpa Dilkangpako,
 Chatchi maia de·aba, Re·chupa Re·balpako.
- Radingga : Anangpako mingana, Gring Jengja de·ana,
 Dilkangpako de·singa, Patta Baja mingana.
 Pil·e Tere Anangpa, meaparang agana,
 Uan Eri Dilkangpa, biming minge rotoka.
 Gabil mejolgirio, songdong a·chamittingon,
 Ruda aro Mokpa, noksul rorimpaachim.
 Apsan dongrimmittingo, ki·sang ilningjaana,
 Una kiratcha·eming, brangbaana Anangpa.
- Sadingga : Saming a·sel ong·esa, birangbajok Anangpa,
 Segipa namnikja·e, rikgalatjok Anangko ?

- Radingga : Noksul dongrimpanara, umang namnikpa-jajok,
Mikgil kiratcha-eming, Anangpa brangbajok.
Mokpani jikgite, sokme sokkusimana,
Dimpani jikchong-mot, ja-ping sapojangjangna.
Uni til-ekgipako, Sokbak biming mingana,
Anang mikchagipako, Pebok ine de-ana.
- Sadingga : Sokme se-etania, daiko gambapa-rama,
Til-ek an-chaania, gro on-baparama ?
- Radingga : Gere rejak gambara, sokme se-etania,
Rema olbak on-bara, an-tang til-ekania.
Uni salsa salgni ong o, ja-man jasa jagni soko,
Chiga anti bawile, Anang nokap niejok gitalko.
A-songanti wilwile, Dilkang Chiga wenangjok,
Am-roroe sokbajok, Anang nokap man-cjok.
- Radingga : Anangpa wa-ko ana, wa-ramjara mingana,
Dilkangpa Do-chi so-ana, do-chi so-ram de-ana.
A-song songbirangana, songdongpana am-ana,
Chiga a-birangana, a-chapa-na am-ana.
- Sadingga : Dai nangpaenggenma, gamana inaienggnokma ?
Jik ra-seka inara, a-ra-seka jokona.
- Radingga : Gantiko kakchengko, gambarana jojonga,
Jong-gilwengko Josengko, on-barana uara.
Rema Repin gambara, ina uko jojongne,
Giri Repin gimiko, bonbarana uade.
Ian a-song wa-ramja, ina nake Sadingga,
Uan chiga rong-jangke, de-a ina ukoa.
- Sadingga : Ukon Kram galonram, minganama adara ?
Ukon dachi dingonram, de-anama umanga ?
Bachi maina re-enba, kram kamit tingaba ?
Saming maiko am-enba, dachi dokkengtengaba ?
- Radingga : Aman Susimmemani, sio bol den-peasana,
Katbarana boloan, rikbatoka ukoan,
Bolchu Ranggo ja-changchang, katakon rikana,
Mandal chido gingganggang, re-ako am-a ina.
A-me nio man-jana, Misi Saljong rura chongchalana,
Man-a kennenbani, do-gisikchangatana
wala seng-changatana



PHOTO: 17-4-90

SOKCHUAN MERUAN (BADAKA)

A·bri a·kong tangsekgilgil nitoriri dake, salgi aram banpake A·chik a·songko mikkim chaatgipa a·briko, 'Sokchuan Meruan' a·bri minga. Ia a·bri sillang dare, rong·bare daka. Skangni chasongo Mitde mande Abet-Rangge a·gilsakko chi dubiani somoio chake jokaha ine A·chik me·aparang agana.

Sokchuan Meruan a·bri Ildek chibimani, Na·ka chikong aro Anang Wari-rangni salaramchipak donga. Sokchuan Meruan a·briko chengo mengonin Mitde mande songdong a·charam biap ong·ani gimin mingsinga. A·brini patalona doange niwataode songdu chibimani kosako guuri mitmat mitmat dake dinako bokdim dake nikata.

A·bri a·kong gimikan ka·sina aro sam bolrang aditan dongengkuani gimin buringni jonturangkoba nikna man·engkua. Attam salniangjokode, a·brini ka·singipa bakrango rona jajren-gani aro kenani gisikrangba bik. nabaa. Iandakgipa biaprangsa bebe da·nang Mitde-rangni songdongram a·song chiga ong·na krabebea.

MESOKANI - XVI

- Uko ja·ku rikesa Salgrasa Songdurasu,
 Dachi doktengtengana, chratang depantesa,
 Ukon kram galonram ine biming donkamaijok,
 Ukon dachi dingonram, ine mingkamaijok.
 A·jong Kacharirangko, nikwatangjok umangde,
 Rabha dandialchina, ronakengjok bisongde.
 Gue moja ja·chonggang, ge·gipako re·anggen,
 Aha raja gitokteng, jilgipako napanggen.
 Mina a·aliako, gongding, gongding nikangen,
 Na·na cholasiako, korek korek man·anggen.
- Aje : Aiwan Misin songgitcham, nono kinaku·jaengwa,
 Uan Abet na·pakram, na·de rongtalku·jaengwa?
- Gilje : Misin brin bawea, roanama unoa ?
 Saljong Sopin soean, songdongama inoa ?
- Aje : Ian Abetni jamdap, pine dongram inake,
 Iano songdongmitingon, Abet na·gil kaake.
 Uno a·chamitingon, Rangge Gilnok donana,
 Asok sao napjana, goe galatsrangana.
 Misin sone kepramba, inonnane nonone,
 Saljong jang·ke teng·ramba, donga sokchuanode.
- Gilje : Dama boltong dotsake, abi saming galanga ?
 Dachi ko·rang ko·sako, sawa jako ra·anga ?
- Aje : Dama boltong dotsade, Jugiro dal·gipasa,
 Galangana ukode, Chongdingpa rakgipasa.
 Mangon Mangsengaona, keangachim damako,
 Soksrapgijan walsengjok, do·o gisikchangatjok.
- Gilje : Bachi maina kebaesa, gala dama boltongko ?
 Mai dakna raesa, Ranga dachi ko·sako ?
- Aje : Ama Susimemako mangonna, dama boltong ra·ana,
 Bitchi Sangkildomako mangsengna, ko·sa dachi keana.
 Jugiko wal·manchia, a·song Benagongona,
 Nawangko wal·du kaa, chiga Budalongona.
 Dama dading ku·ja, inana galangana,
 Bangsi tororikuja, inana watangana
- Gilje : Dama dadingja·ode, bangsi tororijaode,
 Maiko doke dam·esa, chrokaba umangde,

- Aje** : Dachi me·gajakkosa, kram daduakosa.
 Ra·gatbachengengana, ra·dobachengengana.
 Wa·se ko·ma doksesa, mangon mangsengtokana,
 Andanina moesa, mangsengtokuengana.
- Radngga** : A·an a·bri sokchuan, knajokma, jojonga ?
 Chiga a·chu meruan, rongtaljokma Sadingga ?
- Sadingga** : A·song Meruankoa, mama maina de·aba ?
 Chiga Sokchuankoa, mama maina de·aba ?
- Radingga** : A·song Sokchuannide, donga katta jojongne,
 Chiga Meruannide, katta dal·a inane.
 A·ning a·sak dinga·o, Misi - Saljong toa·o,
 Mitdeba kenjagokjok, ma·manti to·tro ong·ao,
 A·biba dimak dimak, guuri mitmat mitmat dinbao,
 Dinbaa ina a·gimik, Sokchuan Meruano.
 Abet ku·krekrakba, unon songdongpa·achim,
 Rangge wagam gitchakba, unon a·chaparachim.
 Uno songdongmittingon, ino a·chamittingon ina,
 Abet kenjagokjokna, Rangge jagipujokna.
 Abet to·tro ong·taie, Rangge jagiputaie kenjok
 Dea mikkang nikipajok, morape jokuajak.
 Abet morape·on, Rangge jokuajak ina.
 Sillang pitpitbaana, Pattang me·me·baana.
 A·ni Bapme gakbara, 'bri Huro tingbara.
 Guuri mitmat dinbara, a·biba dimak tang·bara.
 A·sel ong·tainakana, minni mijao ong·angjok
 Abet kenjagoktajok. Rangge to·tro ong·tajok.
 Una kenjagokenba, Abet bile kattana
 Sokchuan Meruanoni, A·matta a·brina soka.
 Guuri dindin dinbaana, Abet chi jroana,
 Janggi jokna inenba, Rangge ga·bilbatana.
 Rangge ga·bilbatenba, chijatchio ondimjok,
 Abet chiko jroange, jatchiona sokaijok.
 Sokchuan Meruanoni, bile nio sokjana,
 Sokchuanne mingana, Meruanne de·ana.
 Chijatchio sripenba, Abet janggi galpajok,
 Unonisa da·oba, ua bimang dongjajok.
 Atchu ambin chasongo, Abet mande ong·paachim,
 Mikkang chongchong dongrime, game cha·angparachim.
 Abet Rangge janggisa, chiring chibisikna,
 Songdong a·chapa·enba, mikkim rongatpa·enga.

- Radingga : Kimkimma Kokamani, kiltema tapomani,
Guuri dindin dinana, Abet jagipuana.
A·song Meruanoni, chiga Sokchuanoni,
Guuri changsimeako, Abet jroana chi.
- Sadingga : Skang to·tro ong·gimin, dongakonmo adamo ?
Abet kenjagokgimin, bangahakon skango ?
- Radingga : Guuri dindin dingimin, changsajokne jojongne,
Mikka simdim simgimin, pil·sajokne unode.
Kesuni dingan salo, Kebongni toan salrang,
A·chi a·ning dederang, uchin Misin sa·derang.
Uno kebobilani somoio, uno kimma bilana,
Guuri mitmatmitmate, a·biba dimba dimba.
Minni changsa·o gita, mija pil·sao gita,
A·bikpil chibawile, daktainaka inana.
Una to·tro ong·esa, a·song a·mata·ona,
Jrobate katanam, chiga rong·bareona.
A·song Sokchuanoni, bile kata sokjana,
Chiga Meruanoni, jrobato man·jana.
Sokchuan Meruano, Abet kongkantee jokana,
Guuri dindin dinenba, uno ga·akonana.
- Sadingga : Abet mandirangara, da·o bano songdonga ?
Rangge ma·dirangara, da·o bano a·chara ?
- Radingga : Banoni songdongkam·genne, janggi sijok Abetde,
Banoni a·chakam·genne, jama bon·jok Ranggede.
A·song Sokchuanon, chokonman·e sijokna,
Chiga Meruanoan, ga·akone bon·manjok.
Mitam me·aparang ina, A·song Meruankon,
Abet ga·ake siram ina, chiga Sokchuanon.
Pil·e ia a·songkon, a·song mingnamgijaba minga,
Ia chini bidingkon, chiga chinamgijaba de·a.
A·song chinamgija·o, chokondime simanjok,
Chiga rong·solbrao, ong·srue bon·manjok.
Mangreng mangjatengkosa, skotong ginggropkosa,
Beng·brek chiok pil·ana, Gangga ripu pil·ana.
Uanoni intalsa chibisiko songdonga, rong·grimo a·chara
Abet Rangge mingana, A·chik pagitchamrangara.
- Aje : Kosako dama boltong, dotsanane nonone,
Ka·amo wakma gington, Goerani galane.
Jatchio rong·chi spong, dongpaengpiti dotsake,
Ka·mao na·ka chikong, Keju jambat kangake.
Na·ka chikong damsani, Rikchi pildang rongsana,
Bolsal dagal dongana, Keju Jambal toana ukoo.



PHOTO 26-4-99

ARATCHA RONG-BARE: (CHOTCHOLJA)

Aratcha Rong-bare Chotcholja songni Salaramchipak donga. Aje aro Gilje abisa, Radingga aro Sadingga adasako rikbaon ia rong-bare gita rikbaaha. Aratcha rong-bareoni ong'one uamang Dage Amjonga gita re-baha.

Radingga aro Sadingga adasa, jensalo nogipa namchik-tangoni jokna katbaon, Aratcha Rong-bareo Gando makkal palako grongaha ine agana. Ia a-bri sillang dare, rong-brak ong'ani gimin sam bolrang namedake dal-na man-ja. Aratcha rong-bareko A-chikrang, "DA-DARERAM DA DARERAM" ineba minga. Konchikkol songni Pa Bitchon Momin-ni aganani gita, Aje aro Gilje abisa mamatang Radingga aro Sadinggako uchi rike nioba man-ja, uchi rike noba srapja dakani gimin ia 'Da-Dareram Da Dareram' minggipa biapon bilone siaha ine agana. Indiba, sija uamang Dage Amjonga gita re-angkua.

Aje aro Gilje abisani Tilsa a-brio songdongmitingo Radingga aro Sadingga adasa Aratcha Rong-bareo songdongskara. Aratcha rong-bareo songdongmitingo, Radingga aro Sadingga adasa,

bilsni sni kari snina chi dongjaani gimin chiring jokchina silsokchi so-pruahaoba chi najaha. Unasa, aiao! ia a-ade namen rit-chake, bilsni sni kari snina so-pruc nioba chi jokja ine unoni intalsa, Aratcha rong-bare' ine bimingko mingbaha.

Bilsni sni kari snina silsokchi so-pruani ja-mano ia a-brio kaksi beri dake chiring chimik jokna a-bachengaha. Ua kaksi beri dake jokgipa chimik dongani gimin A-chikrang, "KAKSI BERI JOKRAM" ineba ia a-briko minga.

Pil-e mittam A-chikrang ia Aratcha rong-bare a-briko "DARI - DARERAM, KAKSI BERI JOKRAM" ineba minga.




PHOTO: 26-4-90

**AJE ARO GILJE-NI RORAM BIAP (TILSI A-BRI.
KONCHIKKOL)**

Aje aro Gilje abisani rochakram biap Tilsni a-brio donga. Aje aro Gilje abisani roram biap samtangtongan Ta-a aro Ta-matchi mande ge-gipa namen bang-e chaa. Ua ta-matchirangko cho-na skang bi-e cho-ode kera gapen man-a indiba bi-e cho-jaode dotsaba man-ja ine Konchikkol songni manderang agana.

Ia buring jatchio, je biapon darangba songdonga dongja aro a·barangba cha·a dongja, indiba Ta·a aro Ta·matchi,-mande-rangko man·a ama. Uni gimn changsao ia biapo saoba songdongna nanga ine sakiko on·a.

Ian rong·brak, rong·grim aro sillang dare daka. Skang ro·ongni chasongosa songdongna nanga aro kraa. Aje aro Gilje abisani chudape chane galanggipa ro·ong, mi ramchakgipa ro·ongni am, Do·nol aro Waknol pilak biaprangna ia biapo dongenga, jean ro·ongrara.

MESOKANI - XVII

Koasi Mindiriko, re·anggenne bisongde,
Amiri mikgitilko, napanggenne umangde.
Uko badeangdoe, uko speangode,
Kachariko niwate, do·banggarko napake.
Benagong Budarlong, re·anggenne umangde,
Kagira Malasako, sokangpa·gen bisongde.
Dage Amjongako, re·anggenne Radingga,
Rongchi Patparako, roanggenne Sadingga.
A·song Rong·chok gitoko, napanggenne umangde,
Chiga Kalpet bisikko, roanggenne bisongde.

Radingga : Re·e nina jojongmo, a·song Koasi gita,
Chiga Mindiri gita, napaknamo jojongmo ?

Sadingga : A·song Koasikoa, maina mancha mingaba ?
Chiga Mindirakoa, maina chasong de·aba ?

Radingga : Jojong u·ikujama, da·oba kinaku·jama,
Name knatimbone, anga nang·na talatna.
Ia A·song chiga·on, songdongtoka inake.
Koasi-Mindira, Durama-Imbama, aro Aratcha-Rong·bare.

Achak mangsa jilana, Durama-Imbama,
Minga uni Achakko, Ja·banda-Ja·tongrak.
Uni Achak donmanja, Wakpe·gital dope·gital ina,
Una arikatana, a·song Rong·dobrachina.
Dongrikgipa abisa, ja·man gisegrikjokna,
Apsan dongna man·ja·e, dingtang cha·toktaijokna.
Songdong a·charikaha, Koasi-Mindira saksan,
Songdong a·charikenba, nokpante jamsirengjok unoan.

Sadingga : An·sengjokmo adamo, A·jong Kacharirara,
Nikwatamo inchide, Rori dandialkosa.

- Radingga : Maina an·sengjagine, aha Raja gitokteng,
 Ge·a jojong inode, gue moja ja·chonggang.
 Ta·milangna a·ali, kaa ina inchide,
 Me·rakkuna matchu kii, on·e ge·a umangde.
 Niwatnara maralli, gata jojong rorirang,
 Ge·a rikgam samtangtang, donga chiring chisamrang.
 Maina an·sengjagine, sara dim·penggipachek,
 Manderangba pilakan, ganna chong·do ganachek.
 Nokantion nikanggen, Achak ki·me gol·ikeng.
 A·pal hal gamako, Matchu ki·me golikeng.
 Nakiras man·gipa, Zamindari cha·gipa,
 A·chik A·jong dongbrine, Rori dandialrangba.
- Sadingga : Budalong Benagongona, sokangjokmo Radingga, ?
 Kagira Malasana, nanakjokmo an·chingba ?
- Aje : Benagong Budalongo, sengsopa·bo adara,
 Kagira Malasa·o, nisopa·bo mamara.
- Gilje : A·song Budalongkoa, maina mancha Mingaba,
 Chiga Benagongkoa, maina mancha de·aba.
- Aje : Nono knatimbone, anga nang·na agana,
 A·sel maia chong·motchim, nang·na anga talatna.
 Minni mande gitчамrang, game cha·chenggiparang,
 Pesuma Pakkalmako inon, mangon mangsengparana
 umang.
 Jugiko wal·manchie, mangonana ianon,
 Nawangko aganate, mangsengana uanon.
 Mitde mande nangrime, Katchi Rangsi rorime,
 Mangonna am·achimna, chu·sokjajok inake.
- Gilje : Katchi Rangsi na·nosa, Mitde mande, abisa uno,
 Kore dokgrikenggenmo, Direng soltokenggenmo ?
- Aje : Bano Kore dokgende, bano direng solpana,
 Dama dading dokkuja, bangsi jako ra·kuja.
 Ino mangon mangsengna, song·a ina chukoa,
 Kamko matchotatpana, am·achimna umanga.
 Jentisni te·gni, chuko song·parachimna,
 Uko ringe nioa, ong·manjana Jugina.
- Gilje : Song·a gura chonakon, merong mechu dongjakon,
 Cha·na ringna dongjakon, da·nang chu·ongpajakon.
- Aje : Maina dongjaalgine, cha·na ringna dongpara,
 Chua song·a te·gni, jentisni chakpara.
 Jugiko wal·manchiatana, songa noka skangan,

- Re·bapajok mangtuna, mangon mangsenga·onan,
 Chuko ringe nioa, okajana Jugide,
 Ste kitde cha·asa, on·ti pekrimmilate.
 Bimang dal·ming dal·ming, cha·o ringo napana,
 Jugi ong·ming ong·ming. cha·nabani nalana.
- Radingga : Nono dari takrakde, manengatengakonke,
 Namchik mibisimmakde, sengsopa·bo inake.
 Dage Amjongana, re·nok jong an·chingba,
 Gong·a dipet betbete, rotokchina umangba.
- Sadingga : Aiwa nikatgipara, dada maia a·biding ?
 Abri mikkim rongake, badiani chigaming ?
- Radingga : U·ijama jojongde, a·song Rong·chok gittoko,
 Rongtaljama na·ade, chiga kalpet bisikko.
 Minni Asan me·ani, mija Garmang panteni ina,
 Bimbol dokgome ua, bimma jamnok mogome re·a,
- Sadingga : Bachi maina re·esa, bimma bimbol mogoma, ?
 Maina ka·o nangesa, kri meseng dokgoma ?
- Radingga : Mune ting·dildilko, ja·an chimik itato,
 Saneko bandildilko, kni gisi galato.
 Pingkrang chongmitchangana, ja·o siruwenana,
 Chipu chi Rongdotchia, jakko sipreman·ana.
 Uko nike Munima, tonggottong sinatana,
 Nang·ni Asan me·asa, pa·ak patiatana.
 Uko nike do·kapa, to·a Assan me·ana,
 Misi dongja ineming, bo·a galnang pantena.
 Uade Misin Sa·giri, nang·ni tongsotgipade,
 Uan Saljong Sakimbar, tol·a da·nang uade.
 Asan me·a ka·tango, me·rakku tindambengana,
 Tol·a da·nang do·kapa, tuminna ringkongbana.
- Sadingga : Tol·gipaan tolana, katbebejok adamao ?
 Bo·gipaan bo·ana, bebe ra·jok kattako.
 Janggitangna keneming, katangpajok uade,
 Jamatangna kenchake, re·angpajok tarake.
- Aje : An·sengjokmo nonomo, mina a·aliade,
 Chel·angjokma da·oara, Radingga adasade.
- Gilje : Maina chel·angjagine, Dage Amjongara,
 Sokangpajok adade, Rong·chi Patparana.
 A·song Rongchok gitokna, sokangengnok adade,
 Chiga Kalpet bisikna, naangengnok mamade.
- Radingga : Nono dari takrakna, samsok goe rosona,
 Japing ku·chok nikchina, samchonggengko gonama ?
 Ra jojong galbora, rong·gatte niwatsona,
 Niksoama niksoja, nisopa·bo Sadingga.

DAKMESOKANI - III

MESOKANI - I

- Aje, Gilje abisa, a-ako wenbabebeengjok,
Radingga adasaba, senggale katbebejok.
Salaramchi an-pile, niatenga Radingga,
Tuarani a-songko, nikatenga Sadingga.
Tuarani a-songde, nio mikkim rongake,
Nangapani chidingde, aram nangtingakonke.
- Gilje : A-song ruu-mateko, nikwatamo abimo ?
Chiga rong-pakmareko, rongtalamo Ajemo ?
Tuarara unosa, songdongama abia ?
Nangapara unosa, a-charama skanga ?
- Aje : Gringrang a-song biapo 'Tuara nokpanteana,
Rong-jachangni chiga-o, ua jamsirengana.
Unon nokpanteana, unon jamsirengana,
Tuarako ba-ramna, Nangapako neng-ramna.
- Gilje : Tuarani ma-koa, biming maia mingaba ?
Chong-mot Tuarakoa, badi ine de-aba ?
- Aje : TUARAni a-songde, Bolong Mitde Chigasa,
Nangapani chigade, chiga Rongsindilosa.
A-song Kameka ina, Imhim-Jari a-songna,
Umang songdong a-chara, ia a-baku-osa.
Tuarako mingana, Timarangsini bimingna,
Tuarako Terea, gipin biming donana.
Ma-gipako mingana, Amejara inenba,
Pagipako de-ana, Teria-Tenarara.
Pani biming chong-motde, Tenarara mingana,
Ma-ni biming chong-motde, Umejara de-ana.
Tuarako mingbara, Terea nonone,
Nangapako Okmara, donbara Giljene.
Ma-chongmotko mingana, Umejara mittamrang,
Pagipako de-ana, Tinarara manderang.
Uno nokpanteoa, uno jamsirengoa,
Ja-del bolchabarana, kambe biribarana.
Umeja Kaltinara, a-song ruatmateo dongana,
Chiga rong-pakmario, chiringana uara.
Salaramchi nokrangra, on-e rikana,
Wa-ambongko chidare, sale ringana.
Silchi krokra boksori krok sale roana,

- Muga a·ding saporì chine, Tuarara a·chara.
 Wa·ambongko chidare, sale ringa uade,
 Salaramchi nokrangre, on·e rika inake.
 Noka silchi gittingko, krok sale rikana,
 Muga gitting wa·rengo, gate rotokengana.
 Matchako Chokidar, done ua roana,
 Chipuchi krok sale, noka rikpaana.
 Tuarani kattako, nono rongtalrikjokma ?
 Nangapani bidingko, da·ode kinapa·jokma ?
- Gilje** : Oh ! dada Radingga, a·song a·bimanduo,
 Dikdik nisopa·kubo, chiga a·song kualo.
 Gue akkaru gita, chinga den·angpa·nane,
 Pan ruanku· gita, mama ra·angpa·nane.
- Radingga** : Nono dari takrakde, sirapnakengjokkonne,
 A·song a·bimanduo, rong·gate nisonane.
- Sadingga** : Aiwa re·babebeengjok, nono dari takrakde,
 Sirapnasibebeengjok, dari mibisimmakde.
- Radingga** : Ildek chini jorako, ong·onnamo jojongmo ?
 A·song Te·matchikoan, an·ching re·na nanggenmo ?
 Hai ta·rak re·bora, bakbak ja·ku jitbora,
 Intang sirapegenaha, niggijachi re·bora.
- Aje** : Hai nono re·bora, a·song salmichirina,
 Imbo Gilje rotainok, chiga Mesot a·dingna.
- Gilje** : Re·akode re·nokchim, ba·ra samte ma·baka,
- Aje** : Tem·dobra ja·teko, maina doka Gong sona.
- Sadingga** : Aiwa dada nisobo, Dage Amjongako,
 Re·baengjok umangde, Rongchi Patparako.
 Nisobora adara, ja·ping ku·chot nikjokai,
 Ba·ra samte ba·ana, ganna riking tem·jokai.
- Radingga** : Nono dari takrakde, dakbabebeengjokai,
 Ja·ping ku·chot nagale, aiwa re·baengjokai.
- Sadingga** : A·song Salmichiriko, ada maina mingaba,
 Chiga Mesot a·dingko, maina mancha de·aba ?
- Radingga** : Minni mande gitcamrang, game cha·chenggiparang,
 Kebobil kemapile ianon, gro a·jak dingarang.
 A·song Salmehrijok ian, Chiga Mesot a·dingjok uan,
 Da·an an·ching sokengjok, dingchakgipa biapna inon.

- Sadingga : Chima-Jambalgre-ni, kattako kinaku-ja,
Achi Dambo-Nong-bakni, kattako rongtalku-ja.
- Radingga : Kinajama na-ara, Gabil Nong-bak kattako,
Rongtaljama na-ade, Chima-Jambalgreko ?
Game cha-chenggi-parang, minni mande gitcamrang,
De dingdinga inake, Danal ma-bitchi ma-ang.
Seni anti re-ango, deko dingdingpa-rana,
Bobil den-a re-baon, janggi jokrikpa-rana.
Chima-Jambalgrena, Ribo ine chamana,
Gabil Nong-bak jolnara, Doro ine donana,
Sodi rongrokgrekoba, dorona ba-a ina.
Matchokgrena A-rongsrek, ine donatpa-rana,
Daranggrena A-kongkep, ine chamatpa-rana.
Mangsang a-songonara, Do-pit ine on-ana,
Dikgil jolchinara, Tikpit ine tikana.
A-song Rongjengonara, am-pangdamko patia,
Chiga Rongduonara, Wakrapdamko ra-rona.

MESOKANI - II

- A-song salaramchina, chiga mitdesakchina,
Bawillanga umangde, re-angenga bisongde ina.
Uko badeangmano, uko speangjoko soknok,
A-song rong-tottoree, chiga chameragunok.
Rong-ma rimiltritritko, chiring chidorimtko,
Re-ru jakraronramko, ang'ke ma-su alramko.
Uko badeangode, uko speangode,
A-song an-cheng rachako man-e, chiga wari nok de nae.
- Aje : Kiltema jakruronge, dakangjokmo nonomo ?
Bilsima chugironge, roangjokmo Giljemo ?
- Gilje : Biri me-gong baljokke, sipin ama minjokke,
Badi dukko man-engnok, an-ching Ama, Apade.
- Aje : Rauma'o chigiri, dakaiengnokmo Amade,
Chu-dapsiko wal-giri, roaienggnokmo Apade ?
- Gilje : Dangkroko dandane, salniaiengnok Amade,
Noksiksamo jengkone, siaignok Apade.
Aman Apan ka-saoba, wate re-baman-aha,
Aldugipa dongjaoba, dukko man-aichinaha.
- Aje : Wate re-babebejok, mo nono an-chingba,
Apan, Aman bibol bitena, ka-pakjajok indinba.
Ama, Apa ka-saoba, maiko dakgen chingaba,

- Mama Radingga adasa, Wate re-ba jokonna.
 Oh ! dada Radingga, chingko nipilku-bora,
 Gongba sona dokatna, changsa an-pilku-bora.
- Gilje : Simsang chibatnakenga, sengsobora Aparas,
 Chingko rongtalsojaode, rong-gate nisobora.
- Radingga : Nono dari takrakde, aiwa re-bataiengjokne,
 Nikegenma nikjawa, anga nisopa-genne.
- Sadingga : A-song a-toturio, rong-gatnamo adamo ?
 Chiga chameraguo, nisonamo nonoko ?
- Radingga : Aiwa re-babebengjok, Simsang chiko batbaengjok,
 Ganna riking tem-doe, jojong re-babebengjok,
- Sadingga : Kaje roa adara, na-ade nisoengama ?
 Ang'de nina nidika, niksoon miknapa.
- Radingga : Nisojaode mainasa, rong-gatate jojonga,
- Sadingga : Nang-ni ge-etanasa, rong-gatake angara.
- Radingga : Agre kaja jiknabe, re-tainajok jojongne,
 Intangode sirapnok, ta-rak an-ching katnane.
- Sadingga : Ian maia a-songjok, chiga bano sokbajok ?
- Radingga : A-song Rong-tottoreejok, chiga chamerangujuk.
- Radingga : A-song Rong-tottoreena sokjok, chiga Chamera
 guko man-jok,
 Dikdik ja-nengtakpana, jojong asongpa-kuna namjok.
- Sadingga : A-song Rong-tottoreeko, maina mancha mingaba,
 Chiga chameraguko, de-sing de-gama ?
- Radingga : A-song Rong-otottoreeni kattako, da-oba knaku-jama,
 Chiga chameraguni bidingko, jojong rongtalku-jama ?
 Ian Misini songgitcham, uan Saljong nokgitcham,
 Songdongana uanon, a-charana uoan.
 Misin songgitchamoa, Bonepa Janepasa dongea,
 Rambangildi Rambangdasa, uno songdongchengana.
 A-ko a-chachengana Bonepa, Bokko dilsupe-ana Janepa,
 Kimde Rangru chaako, uan wange-chengana.
 A-a a-denpa-oba, mibisa rambokako,
 Man-kujana jojongne, Ranggiro cha-waljako.
- Sadingga : Maiko ge-na dapnasa, a-ko a-denparana,
 Maina mancha miksonge, a-ko gamepa-rana ?

- Radingga : Iano songdongmittingon, uno a·chamittingon,
Ta·wakjakko ge·ana, Kalsnemko dapana unon.
- Sadingga : Bitchri man·pakujama, mima nikipakujama,
Ta·wakjakko ge·ara, Kalsinnemko dapatara ?
- Radingga : Man·genode bitchriko, ge·pagenne jojonga,
Nikgenode mimako, dapagenne Sadingga ?
Ja·man Jane me·asa, bamin cheksi nangako nikana,
Jakal pante re·ange, majal sala gaako man·ana.
Iandakesa A·chikna, Rau bite nangana,
Bamin sojonjana, Tau bite patia.
Pil·e Misi patia, Attongnara Basing,
Sine ringpachinara, Dikilnara wa·sing.
Bonepa Janepaba, ianon songdongpa·rachim,
Rangbildi rangbildasa, sikang a·chaparachim.
- Sadingga : Songa katjatangjokma, gittim re·jatangjokma ?
Da·o maisa nikipajok, Bonepa Janepakoa.
- Radingga : Sillang silchi sikana, ratang ra·e kannana,
Re·angman·jok jojonga, Aibang A·bilbanga.

—O—

Kadings : Iano songdongningon, uno a-chaminon.
 Ta-wajjako ge-ara, Katsenmo dapan unon.
 Sadings : Hichi man-pajama, mina nikpajama,
 Ta-wajjako ge-ara, Katsenmo dapan ?
 Radings : Man-geode hichiko, ge-pagone jojong.
 Nikenode mimako, dapanne Sadings ?
 Ia man tane me-ara, pamin cheksi nangko nikan,
 lakal pante re-ange, majal sala gako man-ara.
 landakere A-chika, Rau hite nangan,
 Hamin sojontan, Tau hite patia.
 Pli-Misi patia, Atongnara Basing,
 Sone tingpachinara, Diklinara wasing.
 Bonepa Jatepapa, Ianon songdongpa-rechin,
 Ranghidi ranghidas, sikang a-chaparechin.
 Sadings : Songa katijangjokma, Gitiu re-jiangjokma.
 Da-o maisa nikjok, Bonepa Jatepaka.
 Radings : Silang silchi sikana, tatarang re-kannana,
 Re-anman-jok jojong, Aibang A-dibangan.





